山庫全幸

史部

欽定四庫

史部 通志卷一百五十七

編修日表無覆勘 詳校官編修臣李 潢 校對官待部臣 覆校官的教臣金學詩

謄録監生臣熊夢祖 胡士震 欠己り見とき A STATE OF 樵 **3**L 棒盧辯光章孝寛 **料寇**傷 仲 長孫

金女正屋有電 朱荣平葛荣以功賜爵清河縣伯稍遷通直 陸騰字顯聖代 徴 将亂隱於大行山屢徵不起卒騰慷慨有大節 拜中書博士稍遷散騎常侍頗明易緯候之學 魏孝武西遷騰時使青州遂没於都東魏拜 鄭 寘 裴文舉 偉 薛 熦 司馬裔 人魏東平王侯元孫也父旭魏太和 佳猷 卷一百五十七 司馬消難 崔士謙弟李昶 薛端裕薛善慎薛 鄭 散騎常侍 道邕 征 從 知 西 中

とこうも 帝 軍自子午谷以援之與戰大破之軍還拜龍州刺史 亂結連漢中眾數萬人攻圍東梁州城中糧盡詔騰率 文帝所知思欲立功不願內職及安康賊黃衆實等作 陷被執文帝釋而禮之問其東問消息騰盛論東州 軍陽城鎮将大統九年大軍東討陽城騰拒守月餘 謂騰曰今欲通江由路直出南秦卿宜善思經略 帳內大都督未幾除太子庶子遷武衛将軍騰既為 又叙述時事辭理抑揚文帝笑曰卿其不特本也即 とうとう 通志

黨 其勉之 廣 歴攻 謂 回 臨機制變未敢預陳文帝曰此是御 有 木籠發恃險暴横每行抄切韶騰討之 将軍開府係同三司轉 嗣 将士曰吾不殺廣嗣等可謂堕軍實而長寇 及武以首示之於是出兵奮擊盡獲之進 任公忻團逼州城請免廣嗣 不能制騰造飛梯夜襲破之執廣嗣等於鼓 即 解所服金帶賜之州人李廣嗣李武等據 江州刺史進爵上庸縣 及武 即散兵請 取柱國之日 療既因山為 位 讎 即 公 騳 罪 下 陵 斬 腾

銀匠四周全書

卷一百五十

Ł

萬人 とこりられる 城攻之未可拔騰遂於城下多設聲樂及諸雜妓示 級俘獲五千人明帝初陵眉戎等八州夷夏並反衆 備遂密縱兵奮擊諸賊惶懼不知所為盡破之斬首萬 戰心諸賊累棄其兵仗或攜妻子臨城觀樂騰知其無 粉之曰益州險遠非親勿居故令齊公憲作鎮卿文 刺史随憲入蜀及趙公招代憲復請留之遷隆州 備已若遐邇兵馬鎮防皆當委卿統攝於是徙為隆 人攻破郡縣騰討平之武成元年詔騰入朝明帝 通志

温舊道是年鐵山猿抄斷內江路驛使不通騰乃進軍 討之出其不意 管領刺史保定二 獠畏威承風請服所開之路多得古銘並是諸葛亮桓 軍 騰母在齊未令東討造有其親屬自齊選朝者晉公 山路險阻難得掩襲騰遂量山川形勢随便開道蠻 奉令偽告騰云齊為無道已誅公家母兄並從塗炭 不能制騰率軍討擊盡破斬之蠻獠互反所在 一年資州石磐人反殺郡守據險自守 日下其三城招納降附者三萬户帝

金好四屋石量

百五十七

與晉公護東征請騰為副趙公招時在蜀復欲留 公護與招書口今朝廷令齊公埽除河洛欲與此 汝彼無事且宜借吾也於是命騰馳傅還朝副憲東 郡守蘭休祖據地 至湯谷分道奮擊所向推破乃築京觀以姓武功 欲發其怒也騰乃發哀泣血志在復讎四年齊 侯韶騰討之騰先趣益州募驍勇具樓船沿] 和初信州蠻蛋據江硖反叛連結二千餘里自 方二千 里阻兵為亂 江 之晋 而 公寓 同

李雷道動夜來掩襲遷哲等驚亂不能抗禦騰夜遣 門奮擊大破之陳人奔潰道勤中流矢而斃陳人決 詔令樹碑紀績馬四年遷江陵總管陳遣其将章 平諸賊凡賞得奴婢八 其魚令城又破 歩騎赴之並受騰節度時遷哲等守外城陳将 圍 朔限水灌 江陵衛王直聞有陳寇遣大将軍趙問李遷哲等 江陵城腾親率将士戰於西陽破 銅樂等七柵騰自在龍州至是前 百口馬牛稱是於是巴蜀悉 之 程文

金定匹庫全書

卷一百五十

Ł

周恵達字懷文章武文安人也父信歷樂鄉平舒成平 顯最知名少歷顯職大象末位至大将軍定陵縣公 朝請成平縣令齊平武帝見元特加勞勉即拜地官府 司空事出為涇州總管宣政元年冬薨於京師贈太尉 三縣令皆以廉能見稱惠達幼有節操好讀書美容貌 公益曰定子元嗣元字士鑒入闢時年七歲仕齊為奉 人乃遁六年進位柱國爵上庸郡公建徳二年徴拜 上士大象末為隋文帝相府外兵參軍元弟融字士

欽定匹庫全書 敗唯恵達等數人從之寶寅語恵達曰人生富貴左 寶夤謀反聞於京師以恵達是其行人将執之恵達 私馳還至潼關遇大使楊侃侃謂曰何故入虎口恵達 魏齊王蕭寶夤為瀛州刺史召恵達及河間馮景同在 蕭王必為左右所誤今往庶其改圖及至寶夤反形 露不可彌縫遂用惠達為光祿動中書舍人實貪既 復隨入關實貪除雅州刺史令恵達使洛陽未還 下甚禮之及寶黃入朝恵達隨入洛陽寶衛西征恵 卷一百五十七 而

大三日日 上号 為公大統四年兼尚書右僕射其年文帝與魏文帝東 時既承喪亂庶事多闕恵達管造戎侯儲積倉糧簡閱 咸言盡節及遭厄難乃知歲寒也賀拔岳為關中大行 士馬以濟軍國之務甚為朝廷所稱後拜中書令進爵 臺惠達為岳府府屬岳為侯莫陳悅所害恵達遁入漢 軍府司馬封文安縣子文帝出鎮華州留惠達知後事 任馬文帝為大将軍大行臺以恵達為行臺尚書大将 陽之積麥崖悦平歸於文帝文帝復以為府司馬便委 通志

國公 闗 而 居 稍 **禦之軍還青雀等誅拜吏部尚書久之復為右僕射** 駭 討 附之薨子題嗣隋開皇初以惠達若績前代追封蕭 顯職性謙退善下人盡心勤公受拔良士以此皆敬 今恵達輔魏太子居守總留臺事及芒山失律人 備魏文帝因朝奏樂顧謂恵達曰此 動趙青雀據長安子城反恵達奉太子出潤橋北 右草創禮樂缺然恵達與禮官損益舊章是以儀 卵功也恵達 情 軌 白

金灯口屋

卷

一百五十七

これうこ ハーラ 至甚有喜色問日賀拔公記憶吾耶與景軟血託岳為 岳為行臺即岳使景詣齊神武察其行事神武聞岳使 平景方得還洛朝廷聞景有諫言故不罪之後事賀拔 立功景曰擁兵不還此罪将大寶寅不從遂反及寶寅 臺都令史及寶寅敗還長安或議歸罪闕下或言留州 領尚書都令史正光中寶夤為關西大行臺景又為行 恵達友俱以客從蕭寶黃寶夤後為尚書右僕射引景 馮景字長明河間武垣人也父傑為伏與令景少與周 那老

帝甚悅又為岳大都督府從事中郎侯莫陳悅平文帝 書大統初詔行涇州事卒於官 剑负四戽全建 使景於京師告提帝有西遷意因問屬中事勢景勸帝 誓共會平京移軍東下懼有專任之嫌使景故孝武帝 **陵伊利西總侯莫陳悅河州刺史梁景叡及首張為盟** 西運後以迎孝武功封高陽縣伯除散騎常侍行臺尚 臣無私盟者也吾料之熟矣岳北合費也頭東引於 兄弟景還以狀報岳岳曰此姦有餘而實不足自古王 卷一百五十 Ł Ē

蘇綽字令綽武功人魏侍中則之九世孫也累世二千 論事恵達不能對請出外議之乃召綽以告其事綽 文綽又為之條式臺中咸稱其能文帝與僕射周惠達 之中誰可任用者讓因薦綽文帝乃召為行臺郎中在 讓為汾州刺史文帝餞於都門外臨別謂曰卿家子弟 官歲餘未見知然諸曹疑事皆詢於綽而後定所行 石父惕武功郡守綽少好學博覽羣書尤善算術從兄 為量定恵達入呈文帝稱善曰誰與御為此議者恵達

故倉地顧問左右英有知者或曰蘇綽博物多通請 除著作佐郎屬文帝與公卿往昆明池觀漁行至城 之乃召綽問具以状對文帝大悅因問天地造化之 以綽對因稱其有王佐之才文帝曰吾亦聞之久矣專 韓之要文帝乃起整衣危坐不覺膝之前席語遂達曙 以政道文帝卧而聽之綽於是指陳帝王之道兼述申 與綽並馬徐行至池竟不施網罟而還遂留綽至夜 歷代興亡之迹綽既有口辯應對如流文帝益嘉之乃 西

欽定匹庫全書-

是一百五十七

案程式朱出墨入及計帳户籍之法大統三年齊神武 即拜大行臺左逐參典機密自是龍遇日隆綽始制文 力拒實泰擒之於潼關封美陽縣伯十一年授大行臺 三道入寇諸将咸欲分兵禦之獨綽意與文帝同遂併 二長并置屯田以貨軍國又為六條詔書奏施行之 殭國富民之道故綽得盡其智能贊成其事減官員置 度支尚書領著作兼司農御文帝方欲革易時政務行

不厭詰朝乃謂周恵達曰蘇綽與竒士吾方任之以政

欽定四庫全書 論其尊貴並古之諸侯也是以前代帝王每稱共治天 而已夫所謂清心者非不貪貨財之謂乃欲使心氣清 妄生則見理不明見理不明則是非謬亂是非既亂 心者一身之主百行之本心不清靜則思慮妄生思慮 民之本莫若守军之最重也凡治民之體當先治己心 下者唯良守军耳明知百僚邻尹雖各有所司然其治 先脩心曰凡今之方伯守令皆受命天朝出臨下 身不能自治安能治人也是以治民之要在於清心 卷一百五十七 國

其 君者必心如清水形如白玉躬行仁義躬行孝悌躬行 其次又在治身凡人君之身者乃百姓之表 自脩而欲百姓脩行者是猶無的而責射中也故為 能自治而望治百姓是猶曲表而求直影也君行不能 也表不正不可求直影的不明不可責射中今君身不 和志意端靜心和志靜則邪僻之慮無自而作 則凡所思念無不皆得至公之理率至公之理以臨 則彼下人孰不從化是以稱治民之本先在治 國之的 邪 僻

忠信躬行禮讓躬行康平躬行儉約然後繼之以無倦 欽定四庫全書 加之以明察行此八者以訓其人是以其人畏而愛之 自治自古安危與亡無不皆由所化也然世道雕喪已 **木石不同禽獸故貴之耳然性無常守隨化而遷化於** 則而象之不待家教目見而自與行矣其二敦教化 風質直者則淳和之俗衰弊則禍亂交興淳和則天 天地之性难人為貴明其有中和之心仁恕之行異於 樸者則質直化於流偽者則浮薄浮薄者則衰弊之 卷一百五十七

旅因之以饑饉凡百草創率多權宜致使禮讓弗與風 無教化唯刑罰是用而中興始爾大難未弭加之以 者貴能扇之以淳風浸之以大和被之以道徳示之以 俗未反比年稍登稔徭賦差輕衣食不切則殺化可脩 朴素使百姓亹亹日遷於善邪偽之心皆怨之性潛 數百年大亂滋甚且二十載人不見德惟兵革是聞 凡諸牧守令長各宜洗心革意上承朝古下宣教 化而不知其所以然此之謂化也然後教之以孝悌 師

由 物三者既備則王道成矣此之謂敎也先王之所以 讓慈愛則不遺其親和睦則無怨於人敬讓則不競 興 食為命食不足則餓衣不足則寒餓寒切體而欲使 風易俗還淳反素垂拱而臨天下以至於太平者莫不 此此之謂要道也其三盡地利曰人生天地之間 行禮讓者此猶逆坂走丸勢不可得也是以古之 知其若此先足其衣食然後教化隨之夫衣食所 (慈受教之以仁順使人和睦教之以禮義使人 数

欽定四庫全書

卷一百五十七

早歸晚出好逸惡勞不勤事業者則正長牒名郡縣守 時皆宜少長悉力男女併功若揚湯救火寇盗之将至 然後可使農夫不失其紫蠶婦得就其功若游手怠惰 教然後得盡其力諸州郡縣每至歲首必戒勃部人 所及布種既記嘉苗須理麥秋在野蠶停於室若此 問少長但能操持農器者皆令就田聖發以時勿失其 教者在乎牧守令長而已人者真也智不自周必待動

足者由於地利盡地利所以盡者由於勸課有方主此

欽定四庫全書 通使得兼濟三農之隙及陰雨之暇又當教人種桑植 必春耕之夏種之秋收之然後冬食之此三時者農之 要月也若失其一時則穀不可得而食故先王之戒曰 其寒者若此三時不務省事而令人廢農者是則絕 令隨事加罰罪一勸百此則明军之教也夫百畝之 田 果藝具蔬菜脩具園園高育雞豚以備生生之資以供)命騙以就死然單劣之户及無牛之家勸令有無相 夫不耕天下必有受其饑者 卷一百五十七 婦不織天下必有受

簡簡 養老之具夫為政不欲過碎碎則人煩勸課亦不容太 君以理之人君不能獨理故必置臣以佐之上自帝 史府官則命於天朝其州吏以下並牧守自置自昔 王不能易也今刺史縣今悉有僚吏皆佐助之人也刺 及列國置臣得賢則安失賢則亂此乃自然之理百 刑群矣其四擢賢良曰天生蒸黎不能自化故必立 曰不剛不柔布政優優百禄是道如不能爾則 則人怠善為政者必消息時宜而遙煩簡之中 必陷

時不可以充粮樣之用也今之選舉者當不限資蔭难 若刀筆之中而得志行是則金相玉質內外俱美實為 愚瞽刀筆者乃身外之末材不廢性行之洗偽若門資 之中而得贤良是則策騏驥而取千里也若門資之中 筆並不問志行夫門資者乃先世之爵禄無妨子孫之 人寶也若刀筆之中而得流偽是則飾畫朽木悅目 得愚瞽是則上牛木馬形似而用非不可以涉道也

欽定四庫全書

卷一百五十七

來州郡大夫但取門資多不擇賢良末曹小吏唯試

刀

欠こり見いた 去之而今擇人者多云那國無賢莫知所舉此乃未之 村藝而以正直為本者必以材而為理也若有材藝而 官人之道可見矣凡所求材藝者為其可以理人若有 故将求材藝必先擇志行善者則舉之其志行不善則 是也而況州郡之職乎苟非其人則丹朱商均雖帝王 以姦偽為本者将因其官而亂也何致化之可得乎是 之允不能守百里之封而况於公御之胄乎由此而言 在得人苟得其人自可起厮養而為卿相則伊尹傅說 通志 10

英曰傷今之智効一官行聞一那者豈非近英傷之士 之不盡其材故云無耳古人云千人之秀曰英萬人之 而云無士但求之不動擇之不審或授之不得其所任 仲尼曰十室之邑必有忠信如丘者馬豈有萬家之都 也但能動而審之去虚取實各得州郡之最而用之則 佐於昊天大人基命不擢才於后土常引一世之人理 思也非透理之論所以然者古人有言明主幸與不降 世之務故殷周不待稷契之臣魏晉無假蕭曹之佐

金丘四月全書

卷一百五十七

容於口彼瓊瑋之材不世之傑尚不能以未遇之時自 昔日望之屠釣百里奚之飯牛宵生之扣角管夷吾之 異要任之以事業責之以成務方與彼庸流較然不同 積數十年功成事立始識其奇士也於是後世稱之不 石駕驥然後始分彼貧士之未用也混於凡品竟何以 人無多少皆足化矣孰云無賢夫良玉未剖與瓦石相 一敗當此之時悠悠之徒豈謂其賢及升王朝登霸國 各驥未馳與駑馬相雜及其剖而瑩之馳而試之玉

官煩 語曰官省則事省事省則人清官煩則事煩事煩則 必先省其官官省則善人易充善人易充則事無不 士 太公必待夷吾而後任是百世無夷吾所以然者士必 而先達也若識此理則賢可求士可擇得賢而任之得 從微而至著功必積小以至大豈有未任而已成不 異於凡品沉降此者哉若必待太公而後用是千載無 而使之則天下之理何向而不可成也然善官人 則必雜不善之人雜不善之人則政必有得失故 人者 用

欽定匹庫全書

卷一百五十七

及足四事全 黨族間里正長之職皆當審擇各得一 起於居家至於鄉黨訪其所以觀其所由則人道明矣 輩悉宜罷點無得習常非直州郡之官宜須善人爰至 自 統夫正長者理人之基基不傾者上必安凡求賢之路 如聞在下州郡尚有兼假擾亂細人甚為無理諸如 殷事廣尚能克濟況今户口減耗依員而置猶以為少 獨清濁之由在於官之煩省案今更員其數不少昔 非 一途然所以得之審者必由任而試之考而察之 通志 卵之選以 相 此

中則人無所措手足而怨叛之心生是以先王重之 善惡既分賞罰隨馬賞罰得中則怨止而善勘賞罰 賢與不肖別矣率此以求則庶無愆悔矣其五恤獄 五聽參之以徵驗妙覩情狀窮鑒隱伏使姦無所容罪 加戒慎者欲使察獄之官精心悉意推究根源先之 人必得然後隨事加刑輕重皆當舍過矜思得情勿喜 曰人受陰陽之氣以生有情有性性則為善情則為 能消息情理斟酌禮律無不曲盡人心而遠明大 訟 不

金り

V Ž

1.7.

卷一百

五十七

PLED TOT LEGIO 當動於中科而慕其上善如在下條則刑所不赦又當 罪而被罰有如此者斯則下矣非共理所寄今之宰守 人木石専用捶楚巧詐者雖事彰而獲免解弱者乃無 斷理獄無停滯此亦其次若乃不仁恕而肆其残暴同 後考訊以法不苛不暴有疑則從輕未審不妄罰隨事 阿枉之志務求曲旨念盡平當聽察之理必窮所見然 人皆有通識雅理求情時或難盡难當率至公之心去 使獲罪者如歸此則善之上者也然牢守非一不可 通志

一金り 酷可免後患此則情有自便不念至公奉法如此皆姦 善人也今之從政者則不然深文巧劾寧致善人於法 自古以來設五聽三宥之法著明慎庶獄之典此皆爱 人也夫人者天地之贵物一死不可復生然楚毒之 不免有罪於刑所以然者非皆好殺人也但云為吏寧 與其害善寧其利溫明必不得中寧濫捨有罪不謬害 深思遠大念存德教先王之制曰與殺無辜寧赦有罪 以痛自誣不被申理遂陷刑戮者将恐往往而有是以 卷一百五十 x

17

屋人言

曰 故為背道殺 故 刑政盡矣其六均賦役口聖人之大實曰位何以守位 可無慎乎若深姦巨猾傷化敗俗悖亂人倫不忠不孝 陰陽調逸四時順序萬物阜安養生悅樂者不可得也 刑罰不中濫害善人寧不傷天心犯和氣和氣損而欲 人甚也凡伐木殺草田獵不順尚遠時令而虧帝道況 仁何以聚人曰財以仁守位國而無財位不可守是 語曰一夫吁嗟王道為之傾覆正謂此也凡百军守 利百以清王化重刑可也識此二途則

钦定四庫全書

題志

次必須勸課使豫管理絹鄉先事織紅麻土早脩粉 生其均不易紡紝織績起於有漸非旬日之間所可造 今寇逆未平軍國費廣雖未遑減省以邱人瘼然宜令 勸戒臨時迫切復恐稽緩以為已過捶 及時而備至時而輸故王賦獲供下人無困如其不豫 而 故三五以來皆有征稅之法雖輕重不同而濟用 困愚拙此之謂均也故聖人曰盖均無貧然財貨之 均使下無怨平均者不舍豪僵而徵貧弱不縱姦 扑 交至取 也

牧守令長非通六條及計帳者不得居官自有晉之季 前富商大買緣兹射利有者從之貴愛無者與之舉息 罪人也文帝甚重之常置諸坐右又令百司習誦之其 富差次先後皆事起於正長而繫之於守令若斟酌得 輕使而近防守令用懷如此不存卸民之心皆王政之 所則政和而民悅若檢理無方則更姦而人怨又差發 輸稅之人於是弊矣租稅之時雖有大式至於斟酌貧 徭役多不存意致令貧弱者或重徭而遠戍富彊者或

決定四車全書

通志

十九

若曰昔充命義和允釐百工舜命九官庶績咸熙武丁 莫不來朝時乃大稽百憲數於庶邦用綏我王度皇帝 祖之庭朕将不命爾以厥官六月丁已皇帝朝格於太 羣臣軍至乃命綽為大語奏行之其辭曰唯中與十有 命說克號高宗時休哉朕其欽若格爾有位胥暨我太 文章競為浮華遂以成俗文帝欲華其弊因魏帝祭廟 廟凡厥具僚罔不在位皇帝若曰咨我元輔羣公列将 年仲夏庶那百辟咸會於王庭柱國泰泊羣公列将

r.

卷一百

五十七

武風夜祗畏若涉大川罔識似濟是用稽於帝典揆於 白人上帝降鑒叡聖櫃元后以人之時惟元后弗克獨 王度拯我民瘼惟彼哲王示我通訓曰天生黎蒸罔克 大難於彼東土則我黎庶咸墜塗炭惟台一人續我 敷文徳襲惟孝武不實其舊自時厥後陵夷之弊用 之典訓以大語於爾在位告我太祖神皇肇府明命以 創我皇基烈祖景宗廓開四表底定武功暨乎文祖 百辟卿士庶尹御事朕唯寅敷祖宗之靈命稽於先王

大きり見にき

通志

三

上 官惟以恤 嗟后弗艱厥后臣弗艱厥臣政於何弗繹嗚呼艱哉 爾在位其敬聽命皇帝若曰柱國唯四海之不造 既陂元后股肱百辟人服我國家之命罔不咸守厥 后克艱厥后臣克艱厥臣政乃人今台一人膺天之 (博求明德命百辟羣吏以佐之肆天之命辟辟之 紀我太祖烈祖之用命用錫我以元輔國家将墜 體各動攸司兹用克臻於皇極故皇其葵訓 佛惟逸豫辟惟元首黎元惟趾股脏惟 載 弼

金月日是人

百五十七

欠足り軍と馬 時三事若三時之在天惟故四輔若四時之成歲天 蒼生傍施於九正若伊之在商周之有日說之相丁 作朕鼎足以弼於朕躬宰惟天官克詣六職尉惟司武 武在止戈徒惟司衆敬數五教空惟司上利用厚生 保無疆之於皇帝若曰羣公太宰太尉司徒司空惟 允文允武克明克义廸七德數九功龕暴除亂下級 惟棟樑皇之弗極公惟作相百揆響度公惟大錄公其 人其代諸皇帝若曰列将汝惟鷹楊作朕爪牙寇賊 通志 用

金灯口匠石 鳴呼為上克寬寬則人怠齊之以禮不剛不柔稽極於 庶尹惟日御事惟時歲月日時問易其度百憲咸貞庶 道皇帝若曰卿士庶尹凡百御事王省惟歲卿士惟月 恩薄弗惇於禮讓則爭奪之萌生惟兹六物實為教本 邦咸寧俾八表之内莫違朕命時汝功皇帝若曰庶 形 完蠻夷猾夏汝徂征綏之以恵董之以威刑期無刑萬 列辟汝惟守土作民父母人惟不勝其饑故先王重農 不勝其寒故先王貴女工人之不率於孝慈則骨肉之 卷一百五十七

欽定四庫全書 ~~~ 過過 艱克遵前王之丕顯休烈弗敢怠荒咨爾在位亦叶 乎嗟我公輔庶僚列辟朕惟否徳其一朕心力祗慎 晉之華誕五代洗風因而未革将以務俗與化庸可暨 惟其可久唯我有魏承乎周之末流接秦漢遺弊襲魏 質爰自三五以迄於兹匪惟相革惟其救弊匪惟相 哉皇帝若曰惟天地之道一陰一陽禮俗之變一文 酌陰陽弗失其和蒼生永賴悖其序萬物以傷時惟 續其疑嗚呼惟若王官陶鈞萬國若天之有斗斟元氣

戒之哉朕言不再柱國泰泊庶僚百碎拜手稽首曰賣 朕 臻於刑措自時厥後歷干載未聞惟帝念功将反 聰明作元后元后作民父母惟三五之王率繇此道 難行之實難臣聞靡不有初鮮克有終尚書曰終始 逃致於雍熙庸錫降丕命於我羣臣博哉王言非言 保我祖宗之丕命荷天之休克綏我萬方永康我黎庶 厥誠勿誓勿忘一乎三代之葵典歸於道徳仁義 心惇他九元惟厥艱是務克損厥華即厥實持厥 叔 么 用 用

段定四庫全書 · 通志 博求賢俊共弘政道凡所薦達皆至大官文帝推心委 任而無問言或出遊嘗預署空紙以授綽若須有處分 素不事產業家無餘財以海内未平常以天下為己任 則隨事施行及還故知而已經當謂為國之道當愛人 無疆之休帝曰欽哉自是之後文筆皆依此體與性儉 種他俾九域幽遐咸昭奉元后之明訓率遷於道永膺 羣臣敢不夙夜對揚休命惟敢大誼未光於四表以邁 他乃日新惟帝敬厥始慎厥終以疏日新之徳則我

馬尚書令史麻瑶越次而進曰昔晏子齊之賢大夫 操履清白謙挹自居愚謂宜從儉約以彰其美文帝曰 如其厚加贈諡又乖宿昔相知之道進退維谷孤有疑 書平生謙約吾欲全其素志便恐悠悠之徒有所未達 狐裘三十年及其死也遣車一 如慈父訓人如嚴師每與公御議論自畫達夜事無巨 若指諸掌積思勞倦遂成氣疾十二年卒於位年四 九文帝痛惜之哀動左右及将葬乃謂公鄉曰蘇尚 卷一飞五十 一乘 齊侯不奪其志綽既

たこうらんか 欽性廉慎沈勇有決斷魏正光中關右賊亂椿應募討 年以綽配太祖廟庭子威嗣威隋史有傳綽弟椿字令 帝自為其文綽又著佛性論七經論並行於世明帝二 舉發一動不覺后墜於手至葬日又遣使祭以太牢文 言曰尚書平生為事妻子兄弟不知者吾皆知之惟爾 知吾心吾知爾意方欲共定天下不幸遂捨吾去奈何 帝與羣公步送出同州郭門外文帝親於車後酹酒而 善因薦瑶於朝廷及與歸葬武功惟載以布車一乘文 角土 Ē

都厅四周在書 州 大之政必盡忠恕進爵為侯位驃騎大将軍開府儀同 鄉 三司大都督卒子植嗣 初 受盡鬼将軍以功累遷中散大夫賜爵美陽子大統 鄉 征隨郡軍還除武功郡守既為本邑以清儉自居 弘農郡事椿當官彊濟特為文帝所知十四年置當 拜鎮東将軍金紫光禄大夫賜姓賀蘭氏後除都督 兵其年破樂頭氏有功除散騎常侍加大都督十六 師 自非鄉望允當東心不得預馬乃令驛追椿 卷一百五十七 領

草配車駕在此誰遣丽來辨抗言酬答守節不撓神武 朱氏遂鼓行指洛節関遣辯持節勞之於都神武令辯 传中注小戴今丽注大戴庶纂前修矣侍中辩叔父同 未有解話辯乃注之其兄景裕為當時碩儒謂辯曰昔 見其所奉中興主辯抗節不從神武怒曰我舉大義誅 也節関帝立除中書舍人屬齊神武起兵信都既破爾 好學博通經籍正光初舉秀才為太學博士以大戴禮 盧辯字景宣范陽涿人累世儒學父靜魏太常丞辯

欽定匹庫全書 封范陽縣公授給事黃門侍郎領著作加本州大中 辭家不辯口門外之道以義斷思復何解也帝至長安 年平等浮屠成孝武會萬僧於寺石佛低舉其頭終 文帝以辯有儒術甚禮之朝廷大議常召顧問遷太子 異之捨而不逼孝武即位以辯為廣平王贊師永熙二 保領國子祭酒趙青雀之亂魏太子出居渭北 止帝禮拜之辯曰石立社我自古有此陛下何怪 人關事起倉平辯不及至家單馬而從或問辯曰得 老一百五十七 O

 使定四車全書 宗伯進位大将軍帝嘗與諸公幸其第儒者祭之出為 累遷尚書令及六官建為師氏中大夫明帝即位遷 事凡所創制處之不疑加驃騎大将軍開府儀同三司 太子少傅魏太子及諸王等皆行束脩之禮受業於辯 辯因時制宜皆合軌度多依古禮性殭記點識能斷大 墜於時朝廷憲章乘與法服金石律吕晷刻渾儀咸令 進爵范陽郡公轉少師自魏末離亂孝武西遷朝儀湮 隨從亦不告家人其執志敢決皆此類也專除太常即 通志

宜 嗣位復州刺史慎弟詮性題提善騎射位儀同三司隋 夫自兹厥後世有損益武成元年增御正四人位 禮建六官華漢魏之法以魏恭帝三年始命行之六即 開皇初以辯前代名德追封沈國公初文帝欲行周官 其太子官員改創未畢專又改與命為大司禮置中大 命蘇綽專掌其事未幾而綽卒乃令辯成之於是依周 州刺史以患不之部费益曰獻配食太祖廟廷子 一外置太師太傅太保各一人是曰三孤時未建東宫

ì

員其司武司衛之類皆後所增改太子正官尹之屬亦 皇弟皇子友員各二人學士六人四年又改置宿衛官 後所創置而典章散減弗可復知宣帝嗣位事不師古 東宮官員三年初置太子諫議大夫員四人文學十 官府置四司以下大夫為官之長士貳之是歲又增改 徳元年改置宿衛官員二年省六府諸司中大夫以 部大司樂為樂部五年左右武伯各置大夫一人以建 夫保定四年改宗伯為納言禮部為司宗大司禮為禮

助定四車全書

通志

!

王

官員班品隨意變革至如初置四輔官及六府諸司復 大将軍仍增上開府儀同大将軍車騎大将軍儀同 傳內更有餘官而此不載者亦史之闕文也 兼用秦漢等官今略舉其名號及命數附之於左其紀 置中大夫並御正內史增置上大夫等則載於外史 驃騎大将軍開府儀同三司建德四年 國大将軍建德四年增置上柱國上将軍也站正九 朝出夕改英能詳録於時雖行周禮其內外衆職又 卷一百 ቯ + ż 改為開府儀 同

欽定四庫全書 大夫帥都督柱國大将軍府長史司馬司錄户一萬以 平東平西平南平北前右左後等将軍左右銀青光祿 光禄大夫大都督户二萬以上州刺史京兆尹右八 萬以上州刺史右正八命 征東征西征南征北中軍鎮軍撫軍等将軍左右金紫 九命 司建德四年改為儀同大将軍仍增上儀同雅州牧 驃騎大将軍右光禄大夫車 騎将軍左光祿大夫户 通志 主

藥右正六命 司馬司錄户五千以上郡守小呼藥右六命 中堅寧朔等将軍左右中郎将儀同府正八命州長史 馬司錄户不滿五千以下州刺史一萬以上郡守大呼 州刺史户一萬五千以上郡守右七命 冠軍輔國等将軍太中中散等大夫都督户五千以 鎮遠建忠等将軍諫議諮議等大夫別将開府長史司 州刺史右正七命

 使定四軍全書 柱國大将軍府列曹參軍四平前右左後将軍府七命 寧遠揚烈等将軍左右員外常侍統軍驃騎車騎将軍 宣威明遠等将軍虎賁冗從等給事儀同府中郎掾屬 府正七命州長史司馬司錄開府府中部接屬户不滿 伏波輕車等将軍奉車奉騎等都尉四征中鎮撫将軍 府八命州長史司馬司錄柱國大将軍府中郎掾屬户 一千以上郡守長安萬年縣今右正五命 一千以下郡守户七千以上縣令正八命州呼藥布五 通志

七命州呼樂方四命 命 州] 别駕正八命州中從事七命郡丞户二千以上縣令正 冠軍輔國将軍府正六命州長史司馬司錄正七命 襄威属威等将軍給事中奉朝請軍主開府列曹參軍 列曹參軍柱國大将軍府參軍鎮遠建忠中坚寧朔 烈討寇等将軍左右員外侍郎懂土儀同府正八 州呼樂右正四命 長史司馬司錄正八命州别駕户四千以上縣令 考一 ā 五十七 府正七命州列曹參軍正五命郡丞右正二命 荡寇蕩難等将軍武騎常侍侍郎開府參軍驃騎車騎 珍寇於難等将軍通弩積弩等司馬四征中鎮撫将軍 長史正六命州中從事六命郡丞户不滿五百以下縣 将軍府八命州列曹參軍寧遠揚烈伏波輕車将軍府 事正六命郡及户五百以上縣令七命州呼藥站正三 将軍府長史司馬司錄正六命州別駕正七命州中從 令戌主正六命州呼藥右三命

儀同者並加使持節大都督其開府又加驃騎大将軍 周制封郡縣五等爵者皆加開國授柱國大将軍開府 虎威虎牙等将軍淮海山林二都尉鎮遠建忠中坚寧 軍府七命州列曹參軍五命郡丞戍副右二命 朔寧遠揚烈伏波輕車将軍府列曹参軍右一命 正六命州列曹参軍右正一命 曠野横野等将軍殿中員外二司馬冠軍輔國将軍府

掃寇掃難等将軍武騎武威等司馬四平前右左後将

钦定四車全書 俄拜行臺郎中專掌書記改封安息縣伯歷位京兆郡 統六年攜家西入除丞相府記室參軍賜爵范陽縣伯 參軍事及孝武西遷光於山東立義遥授晉州刺史大 革今粗附之云辯弟光字景七性温謹博覧羣書精於 史及行兵者加持節餘悉罷之辯所制定之後又有改 史則加使持節諸軍事以此為常大象元年詔總管刺 侍中其儀同义加車騎大将軍散騎常侍其授總管刺 三禮善陰陽解鐘律又好元言魏孝昌初釋褐司空府 過去 Ŧ

舍先是數有妖怪前後都将無敢居者光曰吉山由 **賻贈有加恒典贈少傅諡曰簡光性崇佛道至誠信** 嘗從文帝狩於檀臺山時獵園既合帝遥指山上謂產 刺史行陝州總管府長史卒官武帝少當受業於光故 守侍中開府儀同三司匠師中大夫進爵燕郡公虞州 丈得瓦鉢錫杖各一帝稱歎因立寺馬及為京兆而 曰是也即解圍而還令光於桑門立處造浮圖掘基 公日公等有所見不咸曰無所見光獨曰見一 桑門市

卷一百五十七

大二日日 三十 章叔裕字孝寬京兆杜陵人也少以字行世為三輔 首而立食器無故自破光並不以介懷其精誠守正 妖不妄作遂入居之未幾光所乘馬忽升聽事登牀 即歸附尋卒官贈司空冀州刺史諡曰文惠孝寬沈敏 右将軍南幽州刺史時氏賊數為抄竊旭隨機招撫並 為大行臺右丞加輔國 将軍雅州大中正永安二年 此注道德經章句行於世子賣嗣賣列在隋史 祖直善魏馮翊扶風二郡守父旭武威郡守建義 通志 Ī

中 為司馬侃奇其才以女妻之永安中授宣威将軍給 統軍隨馬翊公長孫承業西征每戰有功拜國子博士 蕭實夤作亂闕右乃詣闕請為軍前驅朝廷嘉之即 隸荆州與孝寬情好效密政術俱美荆州部吏民號為 恭鎮穰城以功除淅陽郡守時獨孤 和 行華山郡事屬侍中楊侃為大都督出鎮潼關引孝寬 **尋賜爵北山縣男普泰中以都督從荆州刺史源** 正涉獵經史年十五便有壮志善籌算識者稱之 信為新野郡守 同

金片

世屋

卷一百五十七

一次是四年上日 時大軍不利邊境騷然乃令孝寬以本将軍行宜陽郡 孝寬又進平樂口下豫州獲刺史馬邕又從戰於河橋 事尋運南兖州刺史是歲東魏将軍段琛據宜陽號聽 文貴怡峯應接頳州義從破東魏将任祥充雄於頼 度宜陽兵馬事仍與獨孤信入洛為陽城郡守復與字 寬隨軍及克潼關即授弘農郡守從擒實泰兼左丞節 連壁孝武初以都督鎮彭城文帝自原州赴雍州命孝 猛遣其揚州刺史牛道恒扇誘邊民孝寬深患之乃遣 過志 =

境肅然進授大都督十二年齊神武傾山東之衆志圖 南 論歸欽之意又為落爐燒迹若火下書者令誤人遺之 西 知 其離阻因出奇兵掩襲禽道恒及琛等崎澠遂清 ij 汾州事先是山胡員除屢為初盗孝寬示以威信 五年進爵為侯八年轉晉州刺史專移鎮玉壁兼 琛管琛得書果疑道恒其所欲經略皆不見用孝寬 以玉壁衝要先命攻之連管數十里至於城下 (訪獲道恒手迹令善學書者偽作道恒與孝寛書 ロルとこ 卷一百 7

改定四車全書-車之所及莫不摧毀雖有排楯莫之能抗孝寬乃縫 柴下以皮排吹之火氣一 擒殺之又於聖外積柴貯火数人有在地道內者便 南鑿地道又於城北起土山攻具畫夜不息孝寬復掘 武使謂城中曰縱爾縛樓至天我會穿城取爾遂於城 長重要其地道仍簡戰士屯壍城外每穿至壍戰士即 樓孝寬更縛木接之令極高峻多積戰具以禦之齊神 於城南起土山欲乘之以入當其山處城上先有兩高 通志 **衝咸即灼爛城外又造攻車** 三

落外又於城四面穿地作二十一道分為四路於其中 寬 城外又縛松於竿灌油加火規以燒布并欲焚樓孝寬 孝徵謂曰未聞放兵何不降也孝寬報云我城池嚴 各施 為鰻隨其所向則張設之布懸於空中其車竟不能 作長鐵鉤利其鋒刃火竿既來以鉤遥割之松麻 **祈孝寬咸拒破之神武無如之何乃遣倉曹參軍** 又隨崩處豎木柵以杆之数不得入城外盡其攻 梁柱作記以油灌柱放火焼之柱折城並崩壞孝

ē

ż

或復 賞帛萬疋孝寬手題書背反射城外云若有斬高散者 於城中云能斬城主降者拜太尉封開國郡公邑萬户 兵食有餘攻者自勞守者常逸豈有自朔之間已須枚 刃云若不早降便行大戮孝寬慷慨激揚畧無傾意士 将軍也俄而孝徵復來謂城中人曰章城主受彼榮禄 援造憂爾東有不反之危韋孝寬闕西男子必不為降 依此賞孝寬弟子遷先在山東又鎖至城下臨以白 可爾自外軍士何事相隨入湯火中邪乃射募格 通志 三五

次定四車全書!

司 帝後見怪問知之曰豈得一 里置一土堠經雨頹毀每須修之自孝寬臨州乃勒 遠左丞王悅至玉壁勞問授驃騎大将軍開府儀同 卒莫不感勵人有死難之心齊神武苦戰六旬傷及 內當土埃處植 忿悬發病而阻魏文帝嘉孝寬功令殿中尚書長孫 死者十四五智力俱困因而發疾其夜焼營而遁因 進爵建忠郡公廢帝二年為雅州刺史先是路 槐樹代之既免修復行旅又得庇座 州獨爾當令天下同之於 五十 側 部 此

負りし

百

x

致定四軍全書 易疑别有故又以皇姑皇世母先没在彼因其請和之 於玉壁置動州仍授動州刺史齊人遣使置玉壁求通 互市晉公護以其相持日久絕無使命一旦忽來求交 是令諸州夾道一 參麟趾殿學士考校圖籍保定初以孝寬立勳玉壁遂 北 馬魏恭帝元年以大将軍與燕公于謹伐江陵平之 功封穰縣公還拜尚書右僕射賜姓宇文氏三年文帝 処命孝寬還鎮玉壁孝関帝践作拜小司徒明帝 一里種 通志 一樹十里種三樹百里種五

寬金貨遥通書疏故齊人動靜朝廷皆得先知時有主 家欲敦隣好遂以禮送皇姑及護母等孝寬善於撫御 家親屬在東之意於是使者所然辭色甚怕時又有 詳議孝寬乃於郊盛設供帳令公正接對使人兼論皇 能得人心所遣問謀入齊者皆為盡力亦有齊人得 際或可致之遂令司門下大夫尹公正至玉壁與孝寬 胡 許盆孝寬委以心齊令守一城盆乃以城東入孝寬 抄得關東人孝寬復放東還并致書一贖具陳國 卷一百 Ł 次定四車全書 城隍足得辦美乃令築之齊人果至南首疑有大軍 河 懼以兵少為難孝寬曰計成此城十日即軍既去晉州 四百餘里一日創手二日偽境始知設令晉州徴兵 北離石以南悉是生胡抄掠居民阻斷河路孝寬深患 Ð 之而地入於齊無方誅翦欲當其要處置一大城乃於 怒遣謀取之俄而斬首而還其能致物情如此汾州 方集誤議之間自稽三日計其軍行二日不到我之 西徵役徒十萬甲士百人遣開府姚岳監築之岳色 通志 華

憲故陳不可護不從既而大軍果不利後孔城遂陷宜 言四年進位柱國時晉公護将東討孝寬遣長史辛道 築城以杜賊志脱其先我圖之實難於是畫地形具陳 陽被圍孝寬乃謂其将即曰宜陽一城之地未能損 縱火齊人謂是軍營遂以兵自固版築克就卒如孝寬 停留不進其夜又令汾水以南傍界山稷山諸村所在 圖分北我之疆界必見侵擾今宜於華谷及長秋速 兩國爭之勞師數載被多君子寧乏謀猷若棄崤東

餐一百

五十七

改定四年全等! 隆理宜調陰陽撫百姓馬用極武窮兵結怨連禍且 我之所棄我棄彼圖取償安在且君輔異知主位重望 於治北取償幸勿怪也孝寬答曰宜陽彼之要衝汾 其状晉公護令長史叱羅協謂使人曰韋公子孫雖多 與孝寬相見明月云宜陽小城久勞戰爭令既入彼 汾北築城守之其丞相斛律明月率数十騎至汾東請 爵鄖國公增邑通前萬户是歲齊人解宜陽之圍經畧 不滿百分北築城遣誰固守事遂不行天和五年進 通志 美

言高山不推自崩樹木不扶自監令課人多齊此文遺 之於點祖孝徵既聞更潤色之明月竟以此誅建徳之 臣在邊積年頗見間除不因際會難以成功是以往歲 常之地逢炭疲弊之民竊為君不取也時孝寬參軍曲 後武帝志在平齊孝寬乃上疏陳平齊三策其第一曰 嚴煩知卜益謂孝寬曰來年東朝必大相殺戮孝寬因 藏大水千里無煙復欲使汾晉之間横尸暴骨苟貪專 令嚴作語歌曰百升飛上天明月照長安百升斛也又

自りにだ

百五十七

火足四旬上 雷 募關河之外勁勇之士厚其爵賞使為前驅岳動山 赴 為特角并令廣州義放出自三鴟又募山南驍銳沿 馬不可失也今大軍若出軹關方軌而進兼與陳氏共 為沃土陳氏以破亡餘燼猶能以一舉平之齊人歷年 而下復遣北山稽胡絕其并晉之路凡此諸軍仍令各 出軍頗有勞費功績不立由失機會何者長淮之南舊 駭電激百道俱進並趨虜庭必當望旗奔潰所向推 故丧敗而反內離外叛計盡力窮傳不云乎警有釁 通志 三十九

我馬相持我出奇兵破其疆場彼者與師赴援我則堅 金灯口匠 壁清野待其去遠還復出師常以邊外之軍引其腹 事屯田預為積貯募其號悍立為部伍彼既東南有殼 色忌害忠良闔境熬然不勝其與以此而觀覆亡可待 叛且齊氏昏暴政出多門閣獄賣官唯利是視荒淫酒 之東我無宿春之費彼有奔命之劳一二年中必自雜 未即大舉宜與陳人分其兵勢三鴟以北萬春以南廣 **殄一戎大定實在此機其第二策曰若國家更為後圖** 1: 1:0 卷一百五十七 改定四重人 時臣謂宜還崇隊好申其盟約安民和衆通尚恵工蓄 塞表無虞河右底定唯彼趙魏獨為榛梗者正以有事 銳養威觀釁而動斯則長策遠馭坐自兼并也書奏武 三方未追東署遂使準澄游魂更存餘晷昔勾践平吳 物更新是以二紀之中大功克舉南清江漢西愈巴蜀 跨據關河蓄席捲之威持建領之勢太祖受天明命 然後乘間電掃事等推枯其第三策曰竊以大周土宇 ,期十載武王取亂猶煩再舉今若更存遵養且復 通志 四十

自りに 代過幸王壁觀禦数之所深數美之移時乃去孝寛自 疾乞骸骨帝曰往已面申本懷何煩重請也五年帝 粉孝寬為行軍總管圍守華谷以應接之孝寬克其四 迫懸車屢請致仕帝以海内未平優詔弗許至是復 後遂大舉再駕而定山東卒如孝寬之策孝寬每以 帝遣小司寇淮南公元衛開府伊婁謙等重幣聘齊爾 目練齊人虚實請為先驅帝以王**壁要街非孝**寬無 鎮之乃不許及趙王招率兵出稽胡與大軍犄角乃 <u>J</u>i 1: 1:1 ĸ T J. ーナと

文三日年 1000 城武帝平晋州復令孝寬還舊鎮及帝凱旋復幸玉壁 公宇文亮攻黄城郎公梁士彦攻廣陵孝寬率眾攻壽 諸軍事徐州總管又為行軍元即狗地淮南及分遣祀 總管進位上柱國大象元年除徐兖等十一州十五鎮 心而已然昔在少壮亦曾輸力先朝已定屬右帝大笑 日實如公言乃詔孝寬隨駕還京拜大司空出為延州 從容謂孝寬曰世稱老人多智善為軍謀然朕唯共少 舉平賊公以為如何孝寬對日臣令衰耄唯有誠 通志

為險要陳人者開塘放水即津濟路絕孝寬遽令分兵 襲孝寬管時亮國官如寬密白其状孝寬有備亮不得 國公及宣帝崩隋文帝輔政時尉遲迎先為相州總管 走江北悉平軍還至豫州宇文亮舉兵文立以數百 據守之陳刺史吳文立果遣決堰已無及於是陳人退 陽並拔之初孝寬到淮南所在皆密送款然彼五門尤 詔孝寬代之又以小司徒叱列長文為相州刺史先令 入乃通走孝寬追獲之詔以平淮南之功别封一子滑

金月日月月日

参一

百五十七

欽定四庫全書 ~ 超点百五十七 留由是不及時或勘孝寬以為洛京虚弱素無守備河 康将數百騎追孝寬驛司供設豐厚所經之處皆軟停 所經橋道皆令毀撤驛馬悉擁以自備又勒驛将曰蜀 寬兄子魏郡守藝又乘郡南走孝寬審知其状乃馳 寬孝寬留貴與語以察之疑其有變遂稱疾徐行又使 赴 公将至可多備餚酒及剱栗以待之迥果遣儀同梁 人至相州求醫藥密以何之既到湯陰值長文奔還孝 都孝寬續進至朝歌回遣其都督賀蘭貴齊書候孝

霓 行分人詣洛受賜既至洛陽並留不遣因此 已遣兵據之諸将士以此城當路 進次懷縣永橋城之東南其城既在要衝雉堞牢 河 不成六月詔發關中兵以孝寬為元即東伐七月軍 陽迥所署儀同薛公禮園逼懷州孝寬遣兵擊破 輕來謀欲應迎孝寬知之遂密造東京官司詐稱 保 河陽 河陽城內舊有鮮甲八百人家並在都見 請 先攻取孝寬曰城 離 解其謀 固 孝 迥

陽鎮防悉是關東鮮甲四若先往據之則為禍

不小

73

一致定四庫全書 ~ 通志 屢抗殭散所有經界布置之功人莫之解見其成事方 贈太傅十二州諸軍事雍州收益曰襄孝寬在邊多載 乃驚服雖在軍中寫意文史政事之餘每自披閱末 討之關東悉平十月凱還京師十一月薨時年七十二 為也於是引軍次于武陟大破迥子惇惇輕騎奔郭 殺兵士在小城中盡防之将豫圍諸有未服者皆隨機 進次於點西門豹祠之南迴自出戰又破之迴窮迫自 而固若攻而不拔損我兵威令破其大軍此亦何能 :

竊謂已鑒愚誠今奉嚴旨便似未照丹亦豈可久恭 同三司納言京兆尹武帝常戲總曰御師尹帝鄉故當 霽 兄子世康年長帝嘉之遂以妻世康孝寬有六子總壽 患眼猶令學士讀而聽之又早喪父母事兄嫂甚謹所 不以富貴威福鄉里那總乃正色對曰陛下捏臣非 得俸禄不入私房親族有孤遺者必加販瞻朝野以 稱馬長子甚年己十歲魏文帝欲以女妻之孝寛辭 知名總字善會聽敏好學位驃騎大将軍開府

一百五十

大三日臣 在五 時年二十九贈上大将軍追封河南郡公諡曰貞六年 相以其父平尉遲迥拜壽儀同三司進封滑國公文帝 征齊委以後事以父軍功賜爵永安縣侯隋文帝為丞 職用疑聖慮請解印綬以避賢能帝大笑曰前言戲之 租稅壽字世齡以貴公子早有令譽位京兆尹武帝親 文帝追錄孝寬舊勳開皇初詔國成食封三千户汉 重贈柱國五州刺史子國成嗣後襲孝寬爵鄖國公隋 耳從武帝東征總每率麾下先驅陷陣遂於并州戰沒 通志 即由

金月四月月 受 **負養高不仕虚心敬悅遣使辟之備加禮命雖情諭甚** 壽弟霽位太常少卿安邑縣伯霽弟津位内史侍郎 後十見徵辟皆不應命屬文帝經綸王業側席求賢聞 部侍郎判尚書事孝寬兄夐字敬遠志尚夷簡澹於荣 曰定仁壽中文帝為晉王廣納其女為如其子保戀嗣 至而竟不能屈文帝彌重之亦不之奪也所居之宅 一禪歷毛恒二州刺史頗有能名以疾徵還卒於家諡 弱冠召拜雅州治中從事非其好也遂謝病去職前 卷一百 <u>አ</u> Ł 大きり町人は動う 慕其閑素者或載酒從之負亦為之盡歡接對危後明 帶林泉夏對玩琴書蕭然白逸時人號為居士馬至有 葉衣坐石窺仙洞乘槎下釣磯嶺松干仞直嚴泉百丈 飛即登平樂觀遥望首陽被詎能同四隱來參子萬機 帝即位禮敬逾厚乃為詩以貽之曰六爻貞遯世三辰 號之曰逍遥公時晉公護執政廣管第宅當召員至字 **夐答帝詩願時朝謁帝大悅勑有司日給河東酒一斗** 光少微賴陽讓逾遠滄洲云不歸香動秋蘭佩風飄蓮 通志 翌五

金灯口屋 赴 尚書周弘正來聘素聞夏名請與相見朝廷許之弘正 所欽挹如此武帝當與夏夜宴大賜之練帛令侍臣 之孝寬為延州總管時夏至州與孝寬相見及還孝寬 乃造臭談謔盡日恨相遇之晚後請夏至實館夏不時 訪以政事舅仰觀其堂徐而數曰酣酒嗜音峻字雕 員以送出負惟取一疋示承恩告而已帝以此益重 弘正乃贈詩曰徳星猶未動真車記肯來其為當時 于此未或不亡護不悅有識者以為知言陳遣 百五十 次定四車全書 對日傳不云乎儉為德之共侈為惡之大欲不可縱志 東宮亦遺皇書并令以帝所乘馬迎之問立身之道皇 是乃乘舊馬以歸武帝又以佛道儒三教不同韶复辯 致如無等級乃若三教序奏之帝覽而稱善時宣帝在 其優劣負以三教雖殊同歸於善其迹似有深淺其理 孝寬曰昔人不棄遺籍墜屢者惡與之同出不與之同 歸吾之操行雖不逮前烈然捨舊錄新亦非吾志也於 送以所乘馬及轡勒與負負以其華飾心弗欲之突謂 通志

去來常事亦何足悲援琴撫之如舊夏又雅好名義虚 史因疾殁故孝寬子總復於并州戰殁一日之中古問 手自抄錄數十萬言晚年虚靜唯以體道會真為務舊 襟善誘雖耕夫豎子有一介可稱者皆接引之特與族 所制述咸削其葉故文筆多不載建徳中負以年老預 人處元及安定梁曠為放逸之友少愛文史留情著述 俱至家人相對悲慟而奧神色自若謂之曰死生命也 可滿並里人之訓也願殿下察之夏子瓘行隨州 五十七 刺

金りで

ō

欠に四年上日 十七諸子皆為方伯柱國武帝遣使吊祭膊贈有加其 與目之日勿違吾言也宣政元年二月卒於家時年 戒其子等曰昔士安以養除束體王孫以布囊繞尸 賢高達非庸才能繼吾死之日可做以舊衣勿更新造 祭者並不得為受吾恐臨終恍惚故以此言預戒汝輩 悉無用也朝脯真食於事彌煩吾不能頓絕汝雄之情 使棺足周尸牛車載柩墳高四尺擴深一丈其餘煩 可朔望一奠而已但薦疏食勿設牲牢親友欲以物事 通志 里

金贝口匠 隋史 姚 相封長安縣男轉行臺左及遷南郢州刺史復令為行 畧陽郡守父英代郡守贈兖州刺史瑱幼聰敏有風成 之量起家太尉府法曹參軍累遷諫議大夫文帝為及 州事後於襄陽歸魏拜中書侍郎贈洛州刺史祖干 喪制葬禮諸子並遵其遺戒子世康洸瓘藝沖並列 泓尚書郎隨劉義真過江仕宋為順陽太守行南 · 填字世珍京兆杜陵人也世為三輔著姓曾祖恵度 卷一百五十七 **议定四車全書** 無所受胡人畏服不敢為寇公私安靜夷夏懷之孝閔 寇犯邊又莫能禦頭雅性清儉兼有武器蕃夷贈遺 大統八年齊神武侵汾絳瑱從文帝禦之軍還以本官 帥都督進散騎常侍魏恭帝三年賜姓宇文氏三年除 戰沙苑加衛大将軍左光禄大夫從戰河橋進爵為子 臺左丞瑱明察有幹局再居左轄時論榮之從復弘農 瓜州刺史州通西域蕃夷往來前後刺史多受略遺胡 鎮浦津關帶中渾城主歷鴻臚即以望族兼領卿兵加 通志

守 同 政 公韶其子峻襲峻位至車騎大将軍儀同三司峻子 留連十 州别寫宋安郡守父僧習善隸書敏於當世與豫 蚪字仲蟠 府儀同三司卒贈岐宜二州刺史諡曰恵又追封 段作進的平齊縣伯扶滿還京吏民戀慕老幼追 後以秦趙喪亂率民南徙居汝 隋大業中給事郎峻弟師隋史有傅 數日方得出境明帝嘉之授侍中驃騎大将 河東解人也五世祖恭仕後趙為河東 賴間遂仕江表 祖 緝

老一百五十七

次已日年上日 領軍獨孤信鎮洛陽于時舊京荒廢人物罕存唯有料 從事加鎮遠将軍非其好也棄官還洛陽屬天下喪亂 華盛唯蚪不脩容飾徧受五經畧通大義兼涉子史雅 好屬文舉秀才兖州刺史馮儁引料為府主簿既而樊 乃退耕於陽城有終馬之志大統三年馮翊王元李海 正蚪年十三便專精好學時貴游子弟就學者並車服 刺史裴叔紫據州歸魏歷北地顏川二郡守揚州大中 · 鵠為吏部尚書其兄義為揚州刺史乃以野為揚州 通志 咒

為丞相府記室追論歸朝功封美陽縣男蚪以史官密 諏 金欠日 母老乞侍醫藥文帝許馬又為獨孤信開府從事中 在陽城裝諏在顏川信等乃俱徵之以蚪為行臺郎中 出鎮職右因為秦州刺史以料為二府司馬雖處 郎中判事我不復重看四年入朝文帝欲官之料 蚪時軍旅務殷蚪勵精從事或通夜不寢季海常 綜府事唯 北府屬並掌文翰時人為之語曰北府表郎南 E 在信左右談論而已因使見文帝被 卷一百 五 十 ż 府

求米之論若漢魏者非一氏造晉史者至數家後代 救其惡者且若述之人密書縱能直筆人英知之何止 書善惡未足懲勸乃上疏言古者人君立史官非但記 横生物議亦自異端互起故班固致受金之名陳壽有 事而已盖所為鑒誠也故動則左史書之言則右史書 還密為記注徒聞後世無益當時豈所謂将順其美匡 書法明趙盾之愆是知執筆於朝其來久矣而漢魏 之彰善羅惡以樹風聲故南史抗節表崔杼之罪董派

舊丞不參史事自對為丞始令監掌馬遷中書侍郎 起居注仍領丞事時人論文體有古今之異蚪以為 狀然後付之史閣庶令是非明若得失無隱使聞善者 秘書監加車騎大将軍儀同三司蚪脫畧人間不事小 有古今非文有古今乃為文質論文多不載廢帝初遷 日脩有過者知懼事遂施行十四年除秘書丞領著 納忠讓之言請自今諸史官記事者皆當朝顯言其

紜

莫知準的伏惟陛下則天稽古勞心庶政開訴誇之

欽定四庫全書 辟為參軍事侯景作亂江南文帝令帶章使江郢二州 與梁邵陵南平二王通好行至安州遇段實等反帶章 沈有度量少好學身長八尺三寸美風儀善占對文帝 善屬文卒於魏臨淮王記室參軍事子帶韋字孝孫深 為魏興華陽郡守死於王事列在忠義傳檜弟舊好學 四贈究州刺史諡曰孝有文章數十篇行於世蚌弟檜 不過充餓孜孜管求徒勞思慮耳恭帝元年卒年五十 節弊衣蔬食未當改操人或識之蚪曰衣不過造體食 通志 至

南 成元年授武蔵下大夫天和二年封康成縣男界遷 軍 散大夫後達奚武經界漢川以帶章為行臺左丞從 意邵陵遣使隨帶章報命以奉使稱旨授輔國将軍 乃矯為文帝書以安之並即降附及見邵陵具申文 討時梁宜豐侯蕭脩守南鄭武攻之未拔乃令帶章 中大夫雖 左光禄大夫轉汾陰令發捷姦伏百姓畏而懷 說脩降之魏廢帝元年出為解縣令加授驃騎 頻改職仍領武藏五年轉武蔵中大夫俄 之

百五十

欽定四庫全書 動侍郎舊弟慶字更與幼聰敏有器量博涉羣書不為 卒官諡曰愷子祚嗣少有名譽位宣納上士入隋位司 陳王純鎮并州以帶章為并州司會并州總管府長史 憲府長史齊平以功授上開府儀同大将軍進爵為公 州刺史武帝以帶章為益州總管府長史領益州別駕 斷無滞官曹清肅時熊王儉為益州總管漢王贊為並 遷驃騎大将軍開府儀同三司凡居劇職十有餘年處 弼二王總知軍事及大軍東討徵為前軍總管齊 巻一百五十七 ! 五十

吾作書慶乃具書草僧習讀歎曰此兒有意氣丈夫 及遭父憂議者不許為服重慶泣曰禮緣人情若於 貴 鄉官皆依貴勢競來請託選用既定僧習謂諸子曰 之無漏時僧習為顏川郡守地接都畿人多豪右将 如是即 請託吾並不用其使欲還皆須有答汝等各以意為 雜 白好飲酒嫻於占對年十三因暴書父僧習試令慶 賦集中取賦 依慶所草以報起家奉朝請慶出後第 篇千餘言誦之慶立讀三遍便 四

章

一下之殭國也荆州地無要害寧足以固鴻基帝納之 帝 左右謂慶口朕欲往荆 請奉迎與駕仍令慶先還復命時賀拔勝在荆州帝屏 騎侍郎馳傳入闊慶至高平見文帝共論時事文帝即 由終喪既葬乃與諸兄員土成墳孝武将西遷慶以散 後之家更有苴斬之服可奪此以從彼今四叔薨背已 久情事不追豈容奪禮乖違天性時論不能抑遂以古 西遷慶以母老不從獨孤信之鎮尋陽乃得入關除 州何如慶曰關中金城千里天 **A**

殊無懼容 氏屢為兇橫或有告其盗牛慶捕得實趣令就禁 相 尋以本官領雅州别駕廣陵王於 公柄 府東問祭 立成解兼文質綽讀而笑曰枳橘 文章華靡逮于江左 北 雍 州] 軌物 73 獻白鹿羣臣欲賀尚書蘇綽謂慶曰近代 問慶日若加以在 格後獨 酒 大統十 君職典文房宜製此表以革前弊慶 彌 年除尚書都兵郎中并領 復輕薄洛陽後進祖述未 魏之懿親其甥孟 猶自可移況才子 何以脱 之 於 孟 記 室

百五十

文ピリを合い 即遣捕沙門乃懷金逃匿後捕得盡獲所失金十二年 曾與一沙門再度酣宴醉而畫寢慶曰沙門乃真盗耳 恒自帶之慶曰煩與人同宿乎曰無與同飲乎曰日者 遣使辯其無罪孟氏由此益驕慶乃大集僚吏盛言孟 鑰無何緘閉不異而並失之謂主人所竊郡縣訊問 氏倚權侵虐之状言果令笞殺之此後貴戚斂手有賈 八持金二十斤詣京師寄人居止每欲出行常自執管 因自 誣服慶疑之乃召賈人日 柳鑰常置何處對日 通志 五

廣陵王於家奴面縛自告牒下因此盡獲黨與慶之守 等共刼 **若聽先首免罪便欲來告慶乃復施免罪之牒居二** 待封儻斯言有驗吾其庶幾乎封清 以賊是烏合可以詐求之乃作匿名書多胯官門曰 有胡家被刼 明察皆此類也每嘆曰昔于公斷獄無私閥高 胡家徒 六曹為十二部以慶為計部即中別駕如故 郡縣按察莫知賊所隣近被囚者甚多慶 侣混雜終恐泄露今欲首伏懼不免誅 河縣男 除尚書左 PĒ E

金牙匹屋

石量

卷一百五十

Ł

欠已り同いまう 茂已不及矣文帝默然明日謂慶曰吾不用卿言遂令 儀端肅樞機明辯文帝每發號令常使慶宣之天性 王茂冤死可賜茂家錢帛以旌吾過尋進爵為子慶威 其無罪亦須坐之乃執慶于前慶辭氣不挠抗聲曰獨 誠實不敢愛死但懼公為不明之君耳文帝乃悟而故 朝臣咸知而莫敢諫慶乃進爭之文帝愈怒曰鄉若明 聞君有不達者為不明臣有不才者為不忠慶謹竭 丞攝計部文帝 嘗怒安定國臣王茂将殺之而非其罪 通志 孟

爵平齊縣公晉公護初執政欲引為腹心慶辭之煩忤 直無所回避文帝亦以此深委仗馬魏恭帝初進位 在宜陽寬為小家宰乃囚慶故吏求其罪失案驗積 除宜州刺史慶自為郎迄為司會府倉儲並其職也 古又與楊寬有隙及寬參知政事慶遂見疎忌出為萬 作六官建拜司會中大夫孝問帝践作賜姓字文氏進 騎大将軍開府儀同三司尚書右僕射轉左僕射領 刺史明帝專悟留為雍州别駕領京兆尹武成二年

金灯四月全書

卷一百五十七

欠こりま こよう 無屈竟以俱免卒贈郡綏丹三州刺史諡曰景子機 同 讓慶擅殺人對口慶聞父母之讎不同天兄弟之讎 實於長安城中晉公護聞而大怒執慶諸子任皆囚 賊黃東寶所害檜子三人皆幼弱慶撫養甚篤後東寶 國 朝朝廷待以優禮居數年檜次子雄亮白日手刃象 服其廉慎又入為司會先是慶兄檜為魏與郡守為 餘日吏或有死於獄者終無所言难得乘錦數及時 明公以孝臨天下何乃責於此乎護愈怒慶辭色 通志 至六

金成四庫全書 徳 足 暴長所齎國信弱而從流今所進假之從吏請勒 辭采雅瞻與弘農楊素為莫逆友解中中外府記室建 而嘉之盡以偃 聘武帝令弘勞之偃人謂弘曰來日至藍田正逢滋 見為尋此物弘曰昔淳于之獻空籠前史稱以為美 初除內史上士歷小宫尹御正上士陳遣王偃人來 列在隋史機弟弘字匡道少聰明工草隸博涉羣 下假物而進詎是陳君命乎偃人慙不能對武帝 人所進物賜弘仍令報聘占對敏捷 卷一百五十七 下

欠三日前 から 寇儁字祖儁上谷昌平人也祖讚魏南兖州刺史父臻 稱於時後卒於御正下大夫贈晉州刺史楊素誄之曰 不以財利為心家人曾賣物與人而剩得絹一 弘農太守讚自有傳傷性寬雅幼有識量好學性康恕 絕梁園之賦長楊映沼無復洛川之文其為士友所痛 山陽王弼風流長逝賴川苗聚零落無時脩竹夾池永 如此有文集行於世弘第旦旦弟肅並附機傳於後 知之乃曰惡木之陰不可暫息盗泉之水無容誤 通志 和 疋儁於

授員 孝昌中朝 吏 除奉朝請大乗賊起燕趙擾亂傷參護軍事東討以 後居職者多有侵隱乃以偽為之仍主簿永安初華 食禄官十分之一造永寧佛寺令偽典之資費鉅萬主 人史底與司徒楊椿松田長史以椿勢貴皆言椿直 不能欺隱寺成又極壮麗靈太后嘉之除左軍将 財失行吾所不取遂訪主還之以選為魏孝文挽 外散騎侍郎累遷司空府主簿時靈太后臨朝減 為以國用不足乃置鹽池都将秩比上郡前

金坑

四库在書

参一百五十七

大江日日 八十 其将曹琰之鎮魏與繼日版築琰之屢擾疆場邊人患 年出為梁州刺史民俗荒獲多為盗賊偽乃令郡縣為 将景宗之季弟也於是梁人懼馬屬魏室多故州又 立庠序勸其耕桑敦以禮讓數年之中風俗頓革深遣 以給有餘見使雷同未敢聞命遂以地還史底孝莊帝 係遣長史杜林道攻克其城并禽琰之琰之即梁大 知之嘉偽守正不撓拜大司馬其附椿者咸責馬一 田給椿偽曰史底窮民楊公横奪其地若欲損不足 调志

苦 於道久之乃得出界大統三年東魏授傷洛州刺史 書監時軍國草創墳典散逸偽始選置令史抄集 因 四部羣書稍得周備加鎮東将軍封西安縣男十七年 此乃謀歸闕五年将家及親屬四百餘口入 不治産業秩滿其子等並徒步而還吏民送傷留 人思効命梁人知其得衆心也弗之敢逼偽在 梁人知無外援遂大兵頓魏與志圖攻取傷撫馬 騎常侍偽以年老七骸骨不許遂稱疾寫不復 闗 **公經籍** 拜 11/ 連 清 将

一金片

四月在書

卷一百

五十七

大己日臣 八三丁 其手曰公年德俱尊朕所欽向乞言之事所望於公宜 武成元年進驃騎開府儀同三司偶年齒雖高而氣識 韻清明帝與之談論不覺屢為前滕及傷辭還帝親 因 加恩賜思與相見偽不得己乃入朝明帝與同席而 相見以慰虚想以御與令於帝前聚出顧謂左右 顧訪洛陽故事傷身長八尺鬚鬢皓然容止端詳音 魏恭帝二年賜姓若口引氏孝閔帝践作進爵為 衰教授子孫必先典禮明帝尚儒重徳特欽賞之數 通志 五九

為於仁義期功之中有孤幼者衣食豐約並與之同少 憂不遣其為通人所敬重如此子奉位至儀同大将軍 為司徒崔光所知光命其子勵與傷交結偽每造光清 萬古時人咸以為崇保定三年卒年八十二武帝數 有 如此之事唯猜善可以致之何止見重於今亦将傳 閑暇輕指傷亦燕 贈本官加冀定藏三州諸軍事冀州刺史諡曰元儁 移 日小宗伯盧辯以傷業行俱崇待以師友之禮 語彌日常謂人曰不見西安君 煩

金牙四周全書

百五十七

欽定四庫全書 過点 嚴肅雖在私室終日嚴然性不妄交非其同志雖貴将 員外散騎侍郎早卒儉少方正有操行狀親魁偉神 浩 長孫儉本名慶明其先代人魏太尉北平王嵩之五世 納言獲澤郡公 居喪哀毀位儀同大将軍掌朝布憲為典祀下大夫小 順陽郡守洵州刺史昌國縣公奉弟顯少好學最知名 門亦不與相見太昌中邊方騷動儉初假夏州防城 也曾祖地分安東将軍臨川公祖酌恒州刺史父

縣伯 害文帝赴平凉凡有經綸謀策儉皆參預從平侯莫陳 仍未内屬而東魏遣許和為刺史儉以信義招之和乃 嶞 刺 悅 大都督從爾朱天光破宿勤明達等以功賜爵索盧侯 文帝臨夏州以儉為錄事參軍深敬器之及賀拔岳被 留儉為秦州長史防城大都督委以後事别封信都 機安撫差胡悅復轉夏州刺史甚得人和時西夏 史李弼令儉權鎮渭州儉将十餘萬騎冒難赴之復 渭州刺史可朱渾元奔東魏後河渭間人情離 阻

欽定四庫全書 城肅勵莫敢犯法魏文帝璽書勞之文帝又與儉書曰 時荆襄初附文帝表儉功績尤美宜委東南之任授儉 近 非泉琛之罪遂於聽事前內袒自罰捨琛不問於是屬 射所部鄭縣令泉璨為民所訟推案獲實儉即大集僚 都督三荆等十二州諸軍事荆州刺史東南道行臺僕 屬而謂之曰此由刺史教誨不明信不被物是我之愆 舉州歸附即以儉為西夏州刺史總統三夏州諸軍事 行路傳公以部內縣令有罪遂自杖三十用肅草 . 卒

語當肅然畏敬恐有所失他日文帝又謂儉日名實理 在 尊風俗大華務廣耕桑無習武事故得邊境無虞民安 者原情得實誨而放之荆蠻舊俗少不事長儉殷勤 公侍坐於文帝及退文帝謂左右曰此 民又以儉秩滿恐至代至上關乞留儉朝廷嘉而許 其業吏民表請為儉構清德樓樹碑刻頌朝議許馬吏 州遂歷七載徵授大行臺尚書兼相府司馬嘗與奉 公開雅孤每

聞之嘉數良久不可言儉清正率下兼懷仁恕有竊盗

卷一百五

次に四車とい 梁國丧亂朝廷招攜之意發言可觀使人大悅出曰吾 **魁偉音聲如鐘大為鮮早語遣人傳譯以答問客惶恐** 至荆州儉於聽事列軍儀具式服以賓主禮見使容貌 諸軍事荆州刺史時梁岳陽王蕭祭內附初遣使入朝 左僕射加侍中行除東南道行臺僕射大都督十五 須 不能測也魏廢帝二年授東南道大都督荆襄等 敢仰視日晚儉乃若裙補紗帽引客宴於别齊因敘 相稱尚書既志安貧素可改名儉以彰雅操遷尚書 通き 至

內懷異計儉密啟文帝陳攻取之謀於是徵儉入朝 其經界偷陳其謀文帝深然之乃令還州密為之備專 二州諸軍事行荆州刺史及孝関帝初趙貴等将圖晉 昌寧郡公運大将軍後移鎮荆州授總管荆襄等五十 散事藉招懷南服重鎮非公莫可遂令儉鎮江陵進 令柱國燕公于謹總戎伐江陵事平以儉元謀賞奴 百口文帝與儉書曰本圖江陵由公畫計今吳民

三州鎮防諸軍事及梁元帝嗣位於江陵外敦隣睦

卷一百五十七

Ľ

大三つ直 於夏州總管臨終遺令斂以時服素車載極不設儀仗 管七州諸軍事陝州刺史儉舊當詣闕奏事時值大雪 定四年拜柱國朝議以儉操行清白勲績隆重乃下 遂立於雪中待報自旦達暮殊無情容其奉公謹怒皆 褒美之兼賜以雜終栗麥以彰其美天和初轉陝州總 公護儉長子僧行預其謀坐死護乃徵儉拜小家军 |類也以疾還京詔以儉舊居狹隘賜甲第一區後薨 友贈秘 Little | 無所受諸子丞奉行之又遺啟明帝請 通志 全

地蕭 忘於懷而有司未達大體遽以其第外給夫追善念功 儉臨終審正爰吐徳音以所居之宅本因上賜 麗非諸子所居請以還官 更遷他所昔叔敖辭沃壤 荆 加凉瓜等十州諸 於 文帝陵側并以官所賜之宅還官詔皆從之贈本官 儉立廟樹碑詔許之建徳元年詔曰故柱國部 **}** 人儀同趙超等六百九十七人感儉遺愛詣闕 何就窮僻之鄉以古方今無慙曩哲言專加尚弗 軍事凉州刺史追封鄫國公益曰 制度宏 國

金贞

四月全書

卷一百五十七

十三承業管記有王碩者文學士也聞紹遠疆記遂白 大きり日 八子ラー 大度雅好墳籍聰慧過人父承業作牧壽春時紹遠年 湖 承 孫也父承業太師錄尚書事前史皆有傳紹遠寬容有 長孫紹遠字士師少名仁代人魏司空上黨王道生元 先王令典豈得遂其謙挹致乖懲勸今以本宅還其妻 業求驗之承業命試之碩乃試以禮記月令於是 俾清風遠播無替聿修次子隆位司令中大夫從 公元定代陳没江南卒隆弟平最知名平列在隋史 通志

堂足為當今模档六官建拜大司樂孝関践作封上 太常畑運中書令仍襲父爵後例降為公改馮翊郡恭 帝二年累遷錄尚書事文帝每謂羣公曰長孫公任 之處令人無反顧憂漢之蕭寇何足多也且其容止堂 遷紹遠隨承業奔赴以功别封文安縣子大統二年 軍 逺 公初紹遠為太常廣召工人創造樂器土木絲竹各 讀數紙總一 事後以别将討平河東蜀薛封東阿縣伯魏孝武西 遍誦之若流碩歎服之起家司徒府參

金贞

四月在書

参一百五十七

祖 7. 17 L 12.15 成方知水行将季木運伊始天命有歸靈樂自降此 以菲薄何德可以當之此盖天地祖宗之祐亦由公達 其宜唯黄鐘不調紹遠每以為意當因退朝經韓使 因取而配奏方始克詣乃啟明帝曰魏氏來宅秦雅 佛寺前浮屠三層之上有鳴鐸馬忽聞其音雅合宮調 所致也俄改授禮部中大夫時猶因魏氏舊樂未皇 坤祐助宗廟致感方當降物和神祚隆萬世詔曰 述樂章然黃鍾為君天子之正位往經創造歷稔 酒志 左五

金定匹库全書 黄鍾以為正調之首詔與紹遠詳議正曰天子用八 為昔者大舜欲聞七始下泊周武爰制七音持林鍾 **族為人今縣黃鍾而擊太蔟便是虚天位專用人矣** 更造但云小吕加大吕而已紹遠上疏陳雅樂韶並行 之氣居變通之道今縣黃鍾而擊太族是天子端 無典故縣而不擊未聞厥理且黃鍾為天大吕為地 絕遠所奏樂以八為數故梁黃門侍郎裴正上書 日夫天不言四時行馬地不言萬物生馬人感中 卷一百五十七 非

成章雖知引吕氏之小文不覺失周公之大禮且今縣 祀天樂云黄鍾為官大吕為角此則是大吕之用宛而 是欲迎仲冬猶存季夏以此而奏深非正理紹遠曰 皆是林鐘之 調何得稱為十一 衰也為作巫音齊之衰也為作大日且大日以下七鍾 司奉職從此而議何往不可正曰案吕氏春秋日楚之 之所言似欲求勝若窮理盡性自伐更深何者案周禮 日則有黃鍾林鍾二均乃備春夏則奏林鍾秋冬 月調專用六月之均 卿

とこうま

LIL O

回去

文

一銀定 帝於南郊又朝日以春分夕月以秋分依如正禮並 奏黃鍾作黃鍾不擊大吕作林鍾不擊黃鍾此所謂 仲冬之調又曰乃奏太族歌應鍾以祭地祗謂神 至理無乃不可乎然周禮又云乃奏黃鍾歌大日以祀 之右之君子宜之右之左之君子有之而卿不縣大日 天神謂五帝及日月星辰也王者各以夏之正月祀炎 有黄鐘一宫便是季夏之時仍作仲冬之調以此 稷以春秋二仲依如正禮唯奏孟春之官自外四 匹库全害 卷一百五十七 [ווי 為 用

ことこう こく とうう 官且黃鍾為君則陽之正位若隨時變易是君無定 義既清且韻妙合具體然八音平濁何足可稱紹遠 急而清清則臣調然急清者於體易絕平濁者在義 天者陽位故其音平而濁濁則君聲地者陰位故其音 名器将何取馬正曰今用林鍾為黄鍾者實得相生之 而 山川先姚先祖並各用官不依月變暑舉大綱則三隅 卿用林鍾以為正調便是君臣易位陰陽相反正之 反然則還相為官雖有其義引禮取證乃不月别戀 通志 立

而作七始又欲廢八縣七并除黄鍾之正官用林鍾為 簡恕百姓悅服入為小宗伯武帝讀史書見武王克殷 兆尹歷少保小司空出為河州刺史河右戎落向化 施之聖世吾所不取也於是遂定以八為數馬專拜京 始之音詳諸經義又無廢八之典且黃鍾為君天子正 調首紹遠奏云天子縣八百王共軌下速周武甫修 近 '可久可大王者之基至於鄭衛新聲非不清韻若欲 同姓婚姻因以成俗紹遠尊之以禮大革弊風政存

金安四庫全書

卷一百五十七

欲廢八縣七然則天子縣八有自來矣古先聖王殊逢 有司處捐樂器乃與樂部齊樹書曰伏聞朝廷前議而 位今欲廢之未見其可臣案周禮奏黄鍾歌大日此則 名當更思其義後竟行七音屬紹遠遘疾未獲面陳慮 默然久之日朕欲廢七縣八者所望體本求直豈苟易 先聖之弘範不易之明證願勿輕變古典趣改樂童帝 經義是用七音盖非萬物不易之典其縣八筍簾不得 致速周武克般逆取順守專用干戈事乖揖遜反求 通志

欠色日長という

一云天子用八周禮云天子縣二八倕氏之鐘十六毋句 覽曰夫黃鍾者天子之官大日者皇后之位今廢黃鍾 氏之磬十六漢成帝獲古磬十六周禮圖縣十六此 事者昭爛典章揚推而言足為龜鏡伏惟陛下受圖蒼 與疾固爭關庭後疾甚乃上遗表曰謹案春秋隱公傅 百 之位而禄去王公岩用林鍾為首是政由私門将恐 毀之宜待吾疾瘳當别奏聞此後紹遠疾篤乃命其子 之祚不得同姬周之永也吾既為人臣義無寢默必 بد

金好四周台書

卷一百五十

とこり日 ときう 刺史以軍别封永寧縣伯尋進覆津縣侯魏文帝 侯及長容親魁岸風儀温雅魏大統中歷位豫渭二 十四從父承業在討有智謀勇冠諸将以功封西華縣 澄字士亮年十歲司徒李琰之見而奇之遂以女妻馬 諡 御萬機不勞改八從七帝省表涕零重贈柱國大将軍 臣獨鄙之而況陛下以臣自揣餘息匪夕伊朝伏願珍 帝接統元精秦漢以還獨為稱首至如周武有事干戈 口獻號樂祖配饗廟庭子覽嗣覽列在隋史紹遠弟 通志 ż

葬 明帝三臨之典祀中大夫宇文容 諫曰君臨臣喪自 壁總管頗有威信卒於鎮贈柱國諡曰簡自喪初至及 孝經之要言澄應聲曰夙夜匪懈以事一人座中有 次曰匡救其惡既出西問文帝深歎澄之合機而譴 帝及羣公宴從容曰孝經一卷人行之本諸君宜各 如此子蝶嗣 次答者孝関帝踐作拜大将軍進爵義門郡公出為玉 節 制今乘與屢降恐乖典禮帝不從其為上所追

彭贞四犀全書

卷一百五十七

九三日日白書 齊神武之逼詔賀拔勝出牧荆州以為外援柔謂因此 未弱冠便解屬文但口吃不能持論頗使酒誕節為世 可以著功績遂從勝之荆州以柔為大行臺郎中掌書 所護司徒臨淮王彧見而器之以女妻馬及魏孝武懼 其子柔盡心温清亦同已親親黨數重之性聰敏好學 父崇驃騎府法曹參軍柔少孤為叔母所養撫視甚於 盧柔字子剛范陽派人也祖洪魏樂陵陽平二郡太守 軍之機務柔多預馬及勝為太保以柔為掾孝武後 通志

實難知公宜席卷赴都與决勝員存没以之此忠之上 武西遷東魏遣侯景襲穰勝敗南奔歸梁桑亦從之勝 庇身功名去矣策之下者勝輕柔年少笑而不應及孝 十萬觀釁而動亦中策也舉三制之地通款梁國可以 策也若北阻魯陽南并信楚東連充豫西接關中帶甲 所製因遣舍人勞問并遺練錦後與勝俱還行及襄陽 頻表梁武帝求歸屬中梁武帝覽表嘉其解彩既知柔 召勝引兵赴洛勝以問柔柔對曰高歡託晉陽之甲意

金ら

に見る言

卷一百五十七

欠こうしたこう 賜之後遷中書監孝閔帝践昨拜小内史大夫進位儀 苑之役大軍屢提汝賴之問多舉義來附書翰往返日 郎兼著作撰起居注後為黃門侍郎文帝知其貧解衣 為行臺郎中除從事中郎與即中蘇綽對掌機密時沙 百餘牒柔隨機報答皆合事宜進爵為子累遷中書侍 齊神武懼勝西入遣侯景以輕騎邀之勝及柔懼乃棄 大半大統二年遂至長安封容城縣男文帝重其才引 船山行贏糧冒險經數百里時屬秋霖徒侶凍餒死者

常童年十三遭父憂哀毀有若成人将擇葬地而行忽 篇子愷嗣愷列在隋史 金埞 聞空中有人言曰童子何悲葬於桑東當封公侯俠懼 見犀烏蔽天從西來舉手指之而言遂智識聰慧有異 西河郡守贈晉州刺史俠年七歲猶不能言後於洛城 裴俠字 高和河東解人也祖思齊舉秀才拜議郎父於 以告其母母曰神也吾聞鬼神福善爾家未當有恶當 同三司卒於位所作詩頌碑銘檄表啓行於世者數 四月全書 卷一百五十七 欠足りにんらう 謂已操戈矛寧肯授人以柄雖欲無之恐是據於蒺藜 室日甲若何使曰字文泰為三軍所推居百二之地所 所部赴洛陽武衛将軍王思政謂曰當今權臣擅命王 城别将及孝武與齊神武有隙徵兵河南以備之俠率 也思政曰奈何俠曰圖數有立至之憂西巡有将來之 洛俠執其使人焚其故書孝莊嘉之授東郡太守帶防 舉秀才魏正光中解中奉朝請稍選義陽郡守元颢 以吉祥告汝耳時俠定側有大桑林因葬馬州辟主簿 通志

府士曹參軍大統三年領鄉兵從戰沙苑先鋒陥陣俠 妻子徐擇木馬俠曰忠義之道庸可忽乎吾既食人之 荣陽鄭偉謂使曰天下方亂未知鳥之所集何如東就 本名惕至是文帝嘉其勇决乃曰仁者必有勇因命改 於帝授左中郎将及帝西遷俠将行而妻子猶在東郡 禄寧以妻子易圖也遂從入關賜爵清河縣伯除丞相 名俠馬以功進虧為侯王思政鎮王壁以俠為長史齊

金切四月全書

魔且至關右日 慎一日徐 思其宜耳思政然之乃進俠

卷一百五十七

とこうう 為也乃悉罷之又有丁三十人供郡守役使俠亦不以 有漁獵夫三十人以供郡守俠曰以口腹役人吾所 私並以庸直為官市馬歲時既積馬遂成羣去職之 世規矩俠當與諸牧守俱謁文帝文帝命俠别立謂 如子所食唯故麥鹽菜而已吏民莫不懷之都舊制 日雖曾仲連無以加也除河北郡守俠躬履儉素愛 武以書招思政思政令俠草報書辭甚壮烈文帝 無所取民歌之曰肥鮮不食丁庸不取裴公清惠 直き

咸付一通從第伯鳳世彦時並為丞相府佐笑之曰人 氏清公自此始也欲使後生奉而行之宗室中知名者 諸牧守曰裴俠清慎奉公為天下最今衆中有如俠者 稱於朝廷没流芳於典策今吾幸以凡庸濫蒙殊遇固 生仕進須身名俱泰清苦若此竟欲何為俠日清者治 可與之俱立衆皆默然無敢應者文帝乃厚賜俠朝野 之本偷者持身之基況我大宗世濟其美故能存見 服號為獨立使君依撰九世伯祖貞侯潛傳以為裴

多定

四库全書

卷一百五十七

鳥還以即叛卒如俠言尋轉大将軍拓州刺史徴拜雅 都督持貴鎮危陵而酆城竟不遣監統及柳仲禮軍至 陵太守孫属野城守張建並以郡來附俠見之密謂 州别駕孝閉帝践阼除司邑下大夫加驃騎大将軍開 乃馳啓其状文帝曰裴俠有知人之鉴深得之矣遣大 何言伯鳳等慙而退再遷郢州刺史加儀同三司梁竟 其窮困非慕名也志在自脩懼辱先也翻被強笑知復 日暠目動言肆輕於去就者也建神情審定當無異心 大古

倉儲積年隱没至干萬者及俠在官勵精發複數旬之 所苦因此而察晉公護聞之曰裴俠危篤若此而不廢 頓士友憂之忽聞五鼓便即驚起顧左右曰可向府那 内姦盗界盡轉工部中大夫有大司空掌錢物典李貴 自言隱費錢五百萬俠之肅姦皆此類也俠當遇疾沈 公清嚴有名懼遭罪責是以泣耳俠聞之許其自首貴 乃於府中悲泣或問其故對曰所掌官物多有費用裴 府儀同三司進節為公遷户部中大夫時有姦吏主守

7

一祥性忠謹有理劇才少為成都令清不及俠斷決過之 設定四章

全書 為榮卒於位贈太子少師蒲州刺史諡曰貞河北郡前 功曹張回乃吏民等感俠遺愛乃作頌紀其清德馬子 後除長安令為權要所憚運司倉下大夫俠之終也以 空并賜良田十頃奴隸耕耒糧栗莫不備足槽紳咸以 第屋不免霜露貴等還言之於帝帝於其貧苦乃為起 憂公因聞鼓聲疾病遂愈此豈天祐其勤恪也又司空 許國公宇文貴小司空北海公申藏並來候俠疾所居 通志

弟曰君臣逆順大義昭然今天子西幸理無東面以 魏孝明帝挽郎釋褐散騎侍郎及孝武西運寬謂其諸 博涉羣書弱冠為州里所 裴寬字長寬河東聞喜人也祖德歡魏中書侍郎河内 毁卒祥弟肅列在隋史 郡守父靜慮銀青光禄大夫贈汾州刺史寬儀魏瓌偉 之師表吾愛之重之汝可與之游處年十三以選為 鄭孝務當謂其從弟文直曰裴長寬兄弟天倫為睦 稱親殁無諸弟以寫友聞

釒

5

ロエノニ

一百五十七

欽定四車全書 防長史加征虜将軍十三年從防主章法保向頓川 是所甘心以經赦宥遂得不坐大統五年授都督同軌 侯景圍景密謀南叛偽親狎於法保寬謂法保曰侯景 獨孤信知而責之寬日窮來見歸義無執送今而獲罪 咸已從坐其季弟子爽先在洛窘急乃投寬寬開懷納 馬時汾州刺史韋子粲降於東魏子粲兄弟在關中者 臣節乃将家屬避難於大石嶺獨孤信鎮洛陽始出見 遇有大赦或傳子爽合免因爾遂出子爽卒以伏法 通志 主

亦 四年與東魏将彭樂樂怕戰於新城因傷被禽至河陰 誘自 **咸寒方驗裴長寬為高澄如此厚遇乃能冒死歸我** 見齊文裏寬舉止閉雅善於占對文裏甚赏異之解 於文帝帝顧謂諸公曰被堅執銳或有其人疾風勁 一館厚加禮遇寬乃裁所卧龜夜絕而出因得遁還 獨必不肯入關雖說款於公恐未可信若伏兵斬 貼後悔法保納其言然不能圖景但自固而己 時之功也如日不然便須深加嚴警不得信其

ð

يدا

とこり時によう 古之行帛所載何以加之乃手書署寬名下授持節帥 聲言春發秋乃出兵或掩蔽消息倏忽而至寬每揣 氏與周通和脩聘好自華皎附後乃圖寇掠沔州既接 司散騎常侍孝関帝践作進爵為子寬在孔城十三年 其情出兵邀擊無不克之天和三年除温州刺史初 與齊洛州刺史獨孤永業相對永業有謀計多論許或 仍鎮孔城魏廢帝元年進使持節車騎大将軍儀同三 都督封夏陽縣男即除孔城城主十六年運河南郡守 通走 44 陳

贖尤便簿領理識明贍斷割如流相府為之語日日 郎大統五年除大丞相府士曹行祭軍轉墨曹漢善 見人作百字詩一覧便誦魏孝武初釋褐員外散騎侍 還隋開皇元年文帝詔贈襄郢二州刺史義宣位司 陷陳人乃執寬至楊州尋被送衛外經數載復還建都 **数境於是以寬為污州刺史陳将程靈洗攻之力屈城** 遂卒於江左子義宣從御正杜果使於陳始得将寬 一命士合江令寬弟漢字仲霄操尚弘雅聰敏好學當

贞

四周全書

卷一百五十

Ł

欠 こり 言いする 燦爛有裴漢武成中為司車路下大夫與工部郭彦太 臘哀慟而已撫養兄弟子情甚篤至借人異書必躬自 人物以此重之自寬沒後遂斷游從不聽琴瑟歲時伏 游每良辰美景必招引時房宴賞留連問以篇什當時 仕進溪直道自守故八年不徙職性不飲酒而雅好賓 繁官非其好也時晉公該擅權措紳等多諂附之以圖 府高賓等參議格令每較量時事必有係理天和五年 加車騎大将軍儀同三司漢少有宿疾常帶虛贏劇職 通志 と大

春官府都上士仕隋位兵曹郎溪弟尼字景尼性弘雅 錄本至于疾疹彌年亦未當釋卷卒贈晉州刺史子鏡 賜爵高邑縣侯從衛公直南征軍敗遂沒尋卒於陳朝 **暑歷官內外天和初拜郢州刺史轉襄州總管府長史** 府記室參軍之隱弟師人好學有識度見稱於時起家 有器局位御正下大夫卒贈隨州刺史子之隱趙王招 秦王贄府記室參軍仍兼侍讀寬族弟鴻少恭謹有幹 一少聰敏涉獵經史為大将軍譚公會記室參軍累遷

金分四月分章

老一百五十七

2011 賊蜂起果從軍征討乘黃聽馬衣青袍每先登陷陣時 帝曾使并州與果遇果知非常人密託附馬永安中 齊州刺史果少慷慨有志畧魏太昌中為陽平郡丞文 裴果字戎昭河東聞喜人也祖思賢魏青州刺史父夢 沙苑果乃率其宗黨歸闕文帝嘉之賜田宅奴婢牛 廷哀之贈豐資三州刺史 號為黃聽年少永熙中授河北郡守及齊神武敗於 物等從戰河橋解玉壁圍推鋒陷擊所向披靡大統 用土 とれ

婁馬邏蘭勇冠當時東人其不數服以此文帝愈親待 縣侯俄而州人張道李拓驅率百姓園逼州城時糧仗 慶堡降楊乾運皆有功廢帝三年授龍州刺史封冠軍 隨安陸以功加大都督除正平郡守正平果本郡也以 從大将軍尉遲迴伐蜀果率所部為前軍開劍閣破季 九年又從戰芒山於文帝前挺身陷陣禽東魏都督賀)補帳內都督遷帥都督平東将軍後從開府楊忠平 猛為政百姓畏之然盗賊亦為之屏息遷司農卿又

一到灾匹库全

卷一百五十七

欠己可真 とき 史有譽於時起家舍人上士累遷長寧鎮将捍禦齊 豪右申理屈滯歷收數州號為稱職卒於位贈本官 終晉建州刺史諡曰質子孝仁嗣孝仁幻聪敏涉獵經 司進爵為公歷眉復二州刺史果性嚴猛能斷決抑挫 帝践阼除隆州刺史加持節驃騎大将軍開府儀同三 甚有威邊之畧歴建熊亳州刺史 追擊累戰破之旬月之間州境清晏轉陵州刺史孝問 通志 争

皆闕兵士又寡果設方畧以拒之賊便退走於是出兵

车 戲 來寇寒乃斜合鄉人分據险要以自固及李弼器地東 縣子卒於正平郡守贈開府儀同三司定州刺史文舉 境邃為之鄉導多所降下文帝嘉之特賞衣物封澄城 平州刺史父選性方嚴為州里所推挹大統三年東魏 裴文舉字道裕河東聞喜人也 祖秀業魏天水郡守贈 /忠謹涉獵經史大統十三年起家奉朝請文帝諸子 押遷若作即中外府參軍魏恭帝二年賜姓賀蘭氏 幼盛簡實友文舉以選與諸公子游雅相欽敬未當

銀灯四月有書

卷一百五十七

とこうう 省俗單車而已及文舉臨州一 於其貧實每欲資給之文舉恒自謙遜解多受少保定 若安身身安則道隆非貨之謂是以不為非惡財也憲 販百倍或有勘文舉以利者文舉答之日利之為貴莫 三年遷絳州刺史邃之任正平也以廉約自守每行春 為司錄及憲出鎮劒南復以文舉為總管府中即武成 二年就加使持節車騎大将軍儀同三司蜀土沃饒商 212 遵其法百姓美而化之

孝問帝践作襲爵澄城縣子齊公憲初開幕府以文舉

州每加賞募齊人感其孝義潛相要結以韋極西歸竟 正平縣屬東西分隔章氏墳壟遂在齊境及文舉在本 舉叔父季和為曲沃令終於聞喜川而叔母韋氏卒於 又早亡文舉撫視遺孤愈於己子時人以此稱之初文 喪父其兄又在山東难與弟璣幼相訓養友愛甚篇聯 馬六年入為司憲中大夫進爵為伯轉軍司馬文舉少 初進驃騎大将軍開府儀同三司專為孝寬柱國府司 總管章孝寬特相欽重每與談論不覺膝前於席天

剑灾

匹库全書

参一百五十七

容目送曰忠孝之道萃在一門即以本官奏門下事大 位至大都督子神安邑通守有子知禮 遭家難遂問行入關及謁魏孝武哀動左右帝為之改 吏部尚書為齊神武所誅事具挺傳猷少好學風度開 崔敞字宣猷博陵安平人也祖挺魏司徒司馬父孝芬 雅性鯁正有軍國壽畧普泰初累遷司徒從事中郎既 得合葬六年除南青州刺史宣政元年卒於位子胄嗣 初兼給事黃門郎平原縣伯二年正黃門行軍禽竇 : . .

泰復弘農破沙苑猷常以本官從軍典文翰五年除司 徒左長史加縣騎将軍時太廟初成四時祭祀猶設 崔宣猷智界明瞻有應變之才若有所疑宜與量其可 景據河南歸款遣行臺王思政赴之文帝與思政書 里富室衣服奢淫乃有織成文繡者敬請禁斷事並施 優角抵之戲其郊廟祭官多有假兼猷上疏諫書奏並 馬遷京北尹時婚姐禮嫁聚會之辰多舉音樂又 與盧辯等极脩六官十二年除淅州 刺史十四年

金定四庫全書二

巻一百五十七

とこうう 啓聞文帝令依猷策思政重怒求與朝廷立約賊若水 莫若頓兵襄城為行臺所賴川置州遣郭賢守則表裏 復曰襄城控帶京洛實當今之要地如有動静易相 不思政初頓兵襄城後於賴川為行臺并致書於猷猷 攻七一周為斷陸攻請三歲為期限內有事不煩赴援 **膠固人心易安縱有不虞豈能為患使人見文帝具以** 賴川既隣寇境又無山川之固賊若潛來徑至城 此以往唯朝廷所裁乃許之及賴川沒文帝深追 21.15 通志

信州糧盡飲為送米四千斛於是二鎮獲全散第二 十七年進侍中驃騎大将軍開府儀同三司本州大中 馬以疾去職屬大軍東征文帝賜以馬隨軍與之籌署 内人無二心利州刺史崔士謙請援猷遣兵六千赴之 里至於深州即以散為都督梁州刺史及文帝崩始利 飲督儀同劉道通等五人開通車路鑿山埋谷五百餘 涉興等諸州阻兵為逆信合開楚四州亦叛唯梁州境 正賜姓宇文氏魏恭帝元年文帝欲開梁漢舊路乃

分丘匹库全書

卷一百五十七

Str. 10 unt Links 遺詔立武帝晉公護調猷曰魯公禀性寬仁在文帝 時依周禮稱天王又不建年號猷以為世有澆淳故帝 子之中年又最長今尊奉遺古胡戴為主君以為如何 皇帝建年號朝議從之除司會中大夫御正如故明帝 此義護曰天下事大恐冀公幼耳猷曰昔周公輔成 王因以沿革今天子稱王不足以威天下請遵秦漢 日殷道尊尊周道親親今朝廷既遵周禮無容報達 前志

帝養為己子封富平公主明帝即位徵拜御正中大夫

徒加上開府儀同大将軍隋文帝受禪以猷前代舊齒 護議欲南代公卿莫敢言猷獨進日前歲東征死傷 顧託事雖不行當時稱其守正及陳将華皎來附晉公 授大将軍進爵汲郡公開皇四年卒諡曰明子仲方列 以垂鑒誠也豈可窮兵極武而重其譴責哉護不從後 以朝諸侯况明公親賢莫二若行周公之事方為不 軍果敗而禪将元定等遂沒江南建德六年拜少司 **此雖加撫循而創渡未復近者長星為災乃上元** 所 負

金灰四库全書

卷一百五十

x.

· 1.1. 0 0.1. 岳之任至於安輯夷夏綱紀衆務皆委士謙馬士謙 緯民之事心常好之未當不無卷數息孝昌中解褐著 崔士謙字士遜博慶安平人也祖辯魏武邑太守父楷 在隋史猷弟宣度位齊王開府司馬恒農太守宣度弟 作即賀拔勝出鎮荆州以士謙為行臺左丞勝雖居方 有識量歷觀經史不持童句志在博聞而已每覽經國 宣執有才學位考功郎中與弟宣質宣靜宣器並早卒 州刺史辯自有傳士謹幼聰明神彩凝然及長深沈 重 E

孝武将備齊神武之逼乃詔勝引兵赴洛軍至廣州帝 盡其智能以相佐佑勝有聲南州皆士謙之力也及魏 倍道兼行謁帝屬右然後與宇文行臺同心協力電討 不庭則二伯之勳復典兹日中道而退人皆解體一失 忠臣枕戈之時義士立功之日公受方面之重總宛葉 釋位漢作中微列藩盡節今皇家多故主上蒙塵斯實 已西遷勝乃遲疑将旋士謙謂勝曰昔周室不造諸侯) 衆若仗義而動首唱勤王天下聞風孰不感激誠宜

銀定匹庫全書

岑一百五十七

其名甚禮之授征西将軍賜爵干乘縣男及勝至拜太 亦 たこり日から 等志節並許其還國乃令士謙先且通隣好文帝素 事機後悔何及勝不能用人情果大駭動州民劉誕 師長史以功賜爵為子拜尚書右丞從文帝解洛陽圍 侯景軍奄至勝與戰敗績遂将麾下數百騎奔梁士謙 隨行及至梁每乞師赴援梁武雖不為出軍而嘉 河橋戰加定州大中正瀛州刺史又破柳仲禮於廣 討李遷哲於魏興並有功進驃騎大将軍開府儀 通志 勝 3) 同

管荆 性 為柴四年卒於州闔境痛惜之立祠堂四時祭饗子曠 年考續常為天下之最優有詔褒美馬士謙隨賀拔 齊寇士謙外樂强飲內無軍民風化大行號稱良牧 111 三司直州刺史賜姓宇文氏恭帝初轉利州刺史士謙 刺史加大将軍進爵武康郡公天和三年授江陵總 在荆州也雖被親遇而名位未顯及踐其位朝野 明悟深晓政術吏民畏而愛之保定二年遷總管安 州刺史既統攝遐方俗兼夷夏又南接陳境東隣 每

金好四月月

卷一百五十七

安昌縣子後文帝復弘農戰沙苑皆有功進爵為侯除 大いりは大いから 城都督又廣奔梁復自梁歸西魏授武衛将軍都督封 過人尤工騎射賀拔勝攻荆州以為假節冠軍将軍防 **皆無私馬居家嚴肅曠及說子弘度並奉其遺訓云** 曠弟彭有盛名列在後史說本名士約少有氣縣膂力 少温雅隋大業末位開府儀同三司大将軍淅州刺 士謙性至孝與弟記特相友愛雖復年位並高資產 北郡守累遷都官尚書定州大中正改封安固縣 通志

殭毅一 同 賜姓宇文氏并賜名訦馬進驃騎大将軍開府儀同 防諸軍事加授大将軍改封安平縣公建德四年卒 廊延等五州刺史 諡曰壮子弘度仕 酷吏傅中 `昶小名那頓邱衛國 加侍中進爵高平縣公再遷總管凉州刺史就治 傳昶伯父志為南荆州刺史父将隨志在任建義初 百姓畏之後除使持節能和忠三州崇徳等十 魏御史中尉彪之 周歴隋性酷虐 /孫也彪 自 政 列

金灰四月全電

卷一百五十七

累遷都官郎中相州大中正昶雖處郎官文帝恒欲以 通盛選僚佐請以昶為司馬文帝許之昶雖年少通特 見接待公私之事咸取決馬又兼二千石郎中典儀注 及問昶昶神情清悟應對明辯文帝稱嘆之綏德公陸 深奇之厚加資給令入太學文帝每見學生必問才行 治未足才制可觀見者咸日有家風也初謁文帝文帝 聲洛下時洛陽初置明堂和年十數歲為明堂風雖優 與志俱奔江左视性峻急不雜交游幼年已解屬文有 通走

文氏六官建拜内史下大夫進爵為侯明帝初行御伯 書記委之於是為丞相府記室參軍著作即脩國史轉 金贝 中大夫武成元年除中外府司錄保定初進驃騎大 墜家風但孤以中尉彈劾之官愛憎所在故未即受御 大行臺郎中中書侍郎又轉黃門侍郎封臨黃縣伯當 耳然此職久曠無以易御乃奏昶為御史中尉賜姓宇 謂曰卿祖昔在中朝為御史中尉卿操尚貞固理應不 開府儀同三司轉御正中大夫時以近侍清要盛選 四月有電 卷一百五十七

也 世已當極要兵馬處分專以委之認策文筆皆昶所作 留心政事而已又以父在江南身寫闚右自少及終不 於後世經那致化庶及古人故所作文筆了無豪草唯 等並為納言尋進爵為公五年出為目州刺史在州遇 疾求入朝詔許之未至京卒贈相瀛二州刺史昶文帝 **圆華乃以昶及安昌公元則中都公陸逞臨淄公唐瑾** 酒聴樂時論以此稱馬子丹嗣 及晉公護執政委任如舊祖常曰文筆之事不足流

大小り uet Antio

通志

武西遷從入關除司徒左長史領臨洮王友賜爵永寧 有 參軍累以戰功進至光禄大夫太師咸陽王長史及孝 經史父叔四人並早發昆季之中道邕居長撫訓諸弟 瓊范陽太守道邕幼謹厚以清約自居年未弱冠涉獵 鄭道邕字孝穆滎陽開封人也祖敬叔魏濮陽太守父 州刺史欽其善政貽書盛相稱述先是所部百姓 侯大統初行岐州刺史在任未幾有能名王嚴時為 如同生閨門之中怡怡如也魏孝昌初解褐太尉行

金厅四周全世

卷一百五十

Ł

書蘇亮語議劉孟良等分掌衆務仍令道岂引接關東 歸附人士并品藻才行而任用之 鄉 道邕散騎常侍持節拜餐為梁王使還稱古進儀同 賜書歎美之徴拜京兆尹及梁岳陽王蕭詧稱藩乃假 遠近咸至數年之内有四萬家歲考績為天下最文帝 加散騎常侍時文帝東討除大丞相府右長史封金 縣男軍次潼關命道邕與左長史孫儉司馬楊寬尚)撫納銓叙咸得其宜

遭離亂逃散殆盡道邕下車之日户止三千留情終撫

大元日屋 かあつ

通志

ユ

空卒贈本官加鄭梁北豫三州刺史諡曰貞子詞嗣 騎大将軍開府儀同三司進爵為子歷御伯中大夫 位納言為聘陳使後至開府儀同大将軍邵州刺史 鄭偉字子直道邕之族子也父先護魏孝莊世尚書右 弟 正宜華虞陝四州刺史頻歷數州皆有政績入為少司 徐宛等六州刺史改諡曰文譯隋史有傅 拜中書令賜姓宇文氏專以疾免孝関帝践作加 譯於隋文帝有翊贊功開皇初又追贈道邕大将軍 御

金好口屋

有理

卷一百五十七

次三日野会野 鎮城守将令狐徳并獲陳留郡守趙季和乃率東西附 中偉少倜儻有大志每以功名自許善騎射膽力過 僕射為爾朱仲遠所害先護事具從曾祖祕書監養 因是梁陳問相次降款偉馳入園西文帝與語數美之 陳留信宿問東有萬人遂拔梁州禽東魏刺史鹿永及 獨孤信既復洛陽偉乃與宗人荣業糾合州里舉兵於 及孝武西遷偉亦歸鄉里不求仕進大統三年河內公 仲遠之入洛也偉逃奔梁及爾朱氏滅後自梁歸 通志 魏

鱼灯口屋人 大将軍開府儀同三司魏恭帝二年進位大将軍江陵 和六年為華州刺史偉前後治職皆以威猛為政吏民 防主都督十五州諸軍事偉性麤擴不遵法度睚毗 偉亦全軍而還除滎陽郡守進爵襄城郡公侍中驃 常先鋒陷陣侯景歸數文帝命偉率所部應接及景叛 拜北徐州刺史封武陽縣伯從戰河橋及解五壁圍 乃專戮副防主杞賓工坐除名保定元年詔復官爵 便行殺戮朝廷以其立義之效每優容之及在江陵 卷一百五 ナと 偉

史悅悅生裔裔少孤有志操州郡辟召並不應後起家 将軍封琅邪王楚之生吏部尚書金龍金龍生豫州 曾祖楚之屬宋武帝誅晉氏戚屬避難歸魏位至鎮西 司馬裔字遵允河内溫人也晉宣帝弟太常卿馗之後 吃偉怒調其效已遂射殺之其忍暴如此子大士嗣 莫敢犯禁盗賊亦為之休止雖非仁政然頗以此見稱 少時嘗逐應於野失之遇收監問馬牧監答之其言亦 卒於州贈本官加少傅都督司州刺史諡曰肅偉性吃

並加重賞商領户千室先至文帝欲以封裔裔固辭曰 裔時在都志在立功潛歸鄉里大統三年於溫起義及 司徒府參軍以軍功授員外散騎常侍及魏孝武西遷 立義之士辭鄉里捐親戚遠歸皇化者皆是其誠心内 集流民十五年文帝令山東立義諸将能率聚入闢者 有四千餘家歸附並裔之鄉舊乃命領河内郡守令安 北徐州刺史八年入朝文帝嘉之特蒙賞勞頃之河内 六軍西征裔乃於溫送欽遂率所部從戰有功六年授 巻一百五十七

欽定四庫全書

九十二

春至秋五十餘戰賊黨糧仗俱竭乃降於是草蠻率服 願也文帝善而從之授帥都督拜其妻元為襄城郡 和初信州蠻首冉令賢等反連結二千餘里商隨上庸 公大軍東討商與少師楊樹守即閥即授懷州刺史天 府儀同三司進爵琅邪伯四年為御正中大夫進爵為 主孝問帝践阼除巴州刺史進使持節驃騎大将軍開 發豈裔能率之乎今以封裔便是賣義士以取榮非所 公陸騰討之裔自開州道先入晝夜攻圍腹特受致自

欽定四庫全書 司馬消難字道融河内溫人也父子如為齊神武佐 少果勇未弱冠便從戎旅位樂安郡守以軍功加驃騎 祠堂馬贈本官加四州刺史諡曰定子品嗣侃字道 親戚身死之日家無餘財宅舍果陋喪庭無所詔為起 歷信潼二州刺史六年徴拜大将軍除西寧州刺史未 豫州刺史諡曰忠子運嗣 部卒於京師商性清約不事生產所得俸禄並散之 将軍開府儀同三司遷充州刺史未之部卒贈本官 卷一百五十 Ł

中大擾後竟獲於濟州與之初走朝士疑赴成舉云若 能廉潔為御史所劾又尚公主而情好不睦公主愬之 賓客邢子才王元景魏收陸印崔瞻等皆游其門稍 位尚書令自有傳消難幼聰慧微涉經史有風神好 屬文宣在并州驛召上黨王海海懼害斬使者東奔 橋飾以求名譽起家著作即子如既當朝贵消難亦愛 懼禍及常有自全之謀曲意撫納頗為百姓所附 禄柳出為北豫州刺史齊文宣末年昏虐滋甚消 自

欽定四庫全書 大司寇從武帝東伐還除梁州總管大象初遷大後丞 達奚武楊忠迎之消難入朝授大将軍封滎陽公累遷 難懼密令所親裴藻問行入關請舉州來附晉公護遣 使其子永質於陳以求援隋文帝命襄州總管王誼為 既聞蜀公尉遲迥不受代遂欲與迥合勢亦舉兵應之 與司馬北豫連謀必為國患此言達於文宣頗見疑消 元帥發荆襄兵以討之八月消難聞軍将至夜率其摩 的女為静帝后尋出為邳州總管隋文帝輔政消難 卷一百五十七 所生以消難動拜儀同大将軍坐消難除名裴藻字文 子在京妻言於文帝曰榮陽公撫寵自隨必不顧妻子 輕於去就故世言反覆者皆以方之其妻高齊神武女 願防慮之及消難入陳高母子因此獲免子譚即高氏 也在郭極加禮敬入關便相棄薄及赴邳州留妻及 每以叔禮事之及陳平消難至京特免死配為樂户 二旬放免猶被舊思特蒙引見專卒於家消難性貪淫 奔於陳初楊忠之迎消難結為兄弟情好甚寫隋文 經

欽定四庫全書 薛端字仁直本名沙随河東汾陰人也祖縣駒魏中書 督薛崇禮據龍門引端同行崇禮專失守降東魏東魏 以天下擾亂遂棄官歸鄉里魏孝武西遷文帝令大都 交人事年十七司空高乾邕辟為參軍賜爵平陰男端 侍端少有志操遭父憂居喪合禮與弟裕勵精為學不 博士徙居馮翊之夏陽父英集書侍御史通直散騎常 **芳少機 辯有不羈之志為子如太傅主簿消難鎮北豫** 又以為中兵參軍入周封聞喜縣男除晉州刺史 参える 百五十七 九五

遣行臺薛脩義督乙千貴西度據楊氏壁端與宗親及 東通赴船溺死者數千人端收其器械復還楊氏壁文 其屬并招喻村人多設奇兵以臨之懿等疑有大軍便 力 端且戰且馳遂入石城柵得免柵中先有百家端與升 河會日暮端客與宗室及家僮等叛之脩義亦遣騎追 家僮等先在壁中脩義乃令其兵逼端等東渡方欲濟 又遣其将賀蘭懿南汾州刺史薛琰達守楊氏壁端 固守貴等數來慰喻知端無降意遂拔還河東東魏

直每有奏請不避權貴文帝嘉之故賜名端欲令名實 帝遣南汾州刺史蘇景恕鎮之降書勞問徵端赴闕 為大丞相府户曹參軍從禽實泰復弘農戰沙苑並有 為别道元即妙簡英僚數日不定文帝謂弼曰為公思 曾升權之每啓文帝云設官分職本康時務為非其人 副自居選曹先盡賢能雖贵遊子弟才劣行薄者未 進爵為伯後改封交城縣伯累遷吏部郎中端性殭 如曠職文帝深然之大統十六年軍東討杜國李弼

敏定四庫全書 ■《一

卷一百五十七

践極文帝召端告之端以三方未一 五子皆黑文帝大悅即以賜之魏帝廢近臣有勸文帝 日能擲摴蒲頭得盧者便與鍾已經數人不得項至 丞 我者鄉山 執樗蒱而言曰非謂 不廣請待龕剪僭偽然後俯順樂推文帝撫端背曰 仍掌選事深主蕭祭曾獻馬瑙鍾文帝執之顧丞郎 長史無過薛端弼對日真才也乃遣之轉尚書右 也卿心既與我同身豈與我異遂脫所若冠 此鍾可貴但露其誠耳便鄭之 遽正名號示天 端

带袍榜並以賜之進授吏部尚書賜姓宇文氏端久處 端者千餘人至基州未幾卒遺誠薄葬府州贈遺勿 寬恵吏民愛之轉基州刺史基州地接梁陳事籍鎮撫 司馬加侍中驃騎大将軍開府儀同三司進爵為侯孝 選曹雅有 總管史寧遣司馬梁榮催令赴任蔡州父老訴榮請留 関帝践作再運户部中大夫進爵為公晉公護将廢帝 召羣臣議之端頗具同異護不悅出為蔡州刺史為政 人倫之鑒其所握用咸得其才六官建拜 軍

欽定四庫全書

を一百五十七

次正四年上記 曹列在隋史端弟裕字仁友少以孝悌聞於州里弱冠 謂親友曰大丈夫當聖明之運而無灼然文武之用為 恬靜數載酒肴候之該宴終日夏遂以孫女妻之裕當 **奠之廬後庭有并裕夜出户若有人欲牵其手裕便却** 世所知雖復栖遲徒為勞苦耳至如章居士退不邱壑 所受贈本官加大将軍進封文城郡公益曰質子胃嗣 進不市朝怡然守道榮辱弗及何其樂也裕曾宿宴于 丞相參軍事時京兆章奧志安放逸不干世務裕慕其 通志

氣豪侈每食方丈坐客恒滿紅歌不絕而善獨恭已率 為秦州以善為別駕善家素富僮僕數百人兄元信伏 薛善字仲良端之族曾孫也父和南青州刺史善少為 司空府参軍再遷監池都将魏孝武西遷東魏改河東 得無他宜盡此爵裕曰墜井盖小小耳方當愈於此也 人問其故裕曰近夢恐有兩楹之憂尋卒文章之士誄)者百數人文帝傷情之追贈洛州刺史

金万里是人

行遂落井同坐共出之因勸裕酒曰向慮卿不測憂幸

卷一百五十七

大三日日 公子 南面子信遣馥來詣善云意欲應接西軍但恐力所 素愛樂問靜大統三年齊神武敗於沙苑留善族兄崇 持疑不決會善從弟馥妹夫高子信為防城都督守城 受國荣寵今大軍已臨而兄欲為高氏盡力若城陷之 禮曰高數式車犯順致主上播越與兄恭是衣冠緒餘 禮守河東文帝遣李弼園之崇禮固守不下善密謂崇 日送首長安云逆賊某甲之首死而有靈豈不殁有餘 愧不如早歸誠款雖未足表奇節庶獲全首領崇禮猶 通志 九九

營造軍器善親自督課兼加撫慰甲兵精利而皆忘其 嚴美之令善兼督六縣事尋為行臺郎中時欲廣置屯 軍入時預謀者並賞五等爵善以背逆歸順臣子常情 又於夏陽諸山置鐵冶復以善為冶監每月役八千 田以供軍實乃除司農少鄉領同州夏陽縣二十屯監 帝嘉之以善為汾陰令善幹用殭明一 豈容闔門大小俱切封邑遂與弟慎等並固辭不受文 郡稱最太守王!

金历四周百言

制善即令弟濟将門生數十人與子信馥等斬關引 卷一百五十七 炎にり事を自己 事加授京兆尹仍行司會出為隆州刺史兼益州總管 府長史徴拜武威少府卒贈三司刺史武帝以善告齊 善忠於已引為中外府司馬遷司會中大夫副總六府 勞苦馬運大丞相從事中即追論屯田功賜爵龍門縣 馬萬機須歸天子何因猶在權門善白之護遂殺軌以 子遷黃門侍郎除河東太守進驃騎大将軍開府儀同 公轉民部中大夫時晉公護執政係同齊軌語善云兵 三司賜姓宇文氏六官建拜工部中大夫進爵博平縣 通志 Ē

陽盧柔隨西李璨友善起家丞相府墨曹參軍文帝於 軌事諡曰繆公子褒嗣官至禹陽郡守善弟慎字伯護 舉薛同衆陽鄭朝等十二人並應其選又以慎為學師 行淳懿者侍讀書慎與李璨及隴西李伯良辛韶武功 理公務晚就講習先六經而後子史又於諸生中簡 行臺省置學取丞即及府佐德行明敏者充生悉令旦 好學能屬文善草書少與同郡裴叔逸裴諏之柳虬范 **衙熊郡夏侯裕安定梁曠梁禮河南長孫璋河東裴**

鱼公

已人

A. T. E

卷一百五十

Ł

帥 宜都公侍讀累遷禮部即中六官建拜膳部下大夫慎 N. 10 ... / LILIS 為湖州刺史界既雜蠻夷恒以刼掠為務慎乃集諸豪 正下大夫封淮南縣子歷師氏御伯中大夫保定初出 兄善又任工部並居清顯時人樂之孝関帝踐作除御 外俱通由是四方競為大乘之學在學數年復以慎為 具宣朝古仍令首領每月一參或預言事者不限時 百人於第內講說又命慎等十二人兼學佛義使內 知諸生課業文帝雅好談論并簡名僧深識元宗者 到热 Ē

居數年乃還奉養及行得果膳歸奉父母慎以其從 妻便與父母離析非唯氓俗之失亦是牧守之罪惧 自是襁員而至者千餘户蠻俗婚娶之後父母雖在 諸蠻乃相謂曰今日始知刺史真民父母也其不欣 與 自誘導示以孝慈并遣守令各喻所部有數户蠻 别居慎謂守令曰牧守令長是化人者也豈有子娶 具状以聞有詔蠲其賦役於是風化大行有同華 即

銀坑

四周全書

卷一百五十七

慎每見必殷勤勸誠及賜酒食一

年之間翕然從

次定四年全野 朝廷方改物創制欲行周禮乃令真與小宗伯盧辯斟 薛真河東汾陰人也祖遵顏魏河東郡守安邑侯父人 魏孝武西遷封部陽縣子廢帝元年領若作佐郎脩 所傅 俗專為蕃部中大夫以疾去職卒於家有文集頗為世 以真為司録軍中謀客真並參之江陵平進爵為伯 事拜中書侍郎脩起居注遷中書令燕公于謹征 河廣平二郡守真幼覽篇籍好屬文起家奉朝請從 通志 **5**

酌古今共詳定行之六官建授內史下大夫孝関帝踐 建當時以此稱之子明嗣大象末儀同大将軍清水 性至孝雖年齒已衰職務繁廣至於温青之禮朝夕無 吏民哀惜之贈虞州刺史諡曰理所著文集二十餘卷 位驃騎大将軍開府儀同三司出為淅州刺史卒於位 深文藻華瞻而真與之方駕故世號曰盧薛馬久之進 作進爵為 侯轉御正中大夫時前中書監盧柔學業優 行於世又撰西京記三卷引據該治世稱其博聞馬寡

金りで五人三

卷一百五

豈能五十年戴情死一 超世禄之門左中郎将京兆章潛度謂之曰君門地 常鬱鬱不得志每在人間軟陵架勝達員才使氣未當 燈世無貴仕解得不過侍郎既羁旅不被擢用常數 覽文籍政宏不拘時人未之奇也江表取人多以世族 宗人避地襄陽怪早喪父家貧躬耕以養祖母有服 薛燈字景猷河東汾陰人也曾祖弘敞值赫連之亂率 校尉低頭傾首俯仰而向人也

たこうらんか

1年

É

妻豈復欲南乎燈亦不介意普泰中拜給事中加伏 屈與之抗禮懷傷謂燈曰汝還鄉里不管產業不肯娶 物終日讀書手自抄畧将二百卷唯郡守元襲時相要 相親善屬兩朱榮廢立怪遂還河東上懷傷家不交 從祖真度與族祖安都擁徐究歸魏其子懷偽見怪甚 年少實慷慨但不遭時耳孝昌中杖策還洛陽先是燈 俊沈下僚古人以為數息竊所未能也潛度告人曰此 下身才不为何不褻祸數參吏部燈曰世胄躡高位英

金厅四月子書

卷一百五十七

为足り事在時一人 武西遷授征屬将軍中散大夫封夏陽男魏文即位 言為然並有憂色尋而文帝平悅引燈為記室參軍孝 其則不遠吾屬今即為人所屬何慶之有乎長高以慅 獨謂軍司傅長高曰悅才畧本寡軟害良将敗亡之事 鎮遠将軍步兵校尉及悅害賀拔岳軍人咸相慶慰燈 之乃與孝通俱将長安侯莫陳悦聞之召為行臺即除 将軍及齊神武起兵怪乃東将陳梁間謂族人孝通曰 髙歡阻兵陵上喪亂方始關中形勝之地必有霸王據 通志 臣

金丘 人三才之象也皆置清微殿前器形似觥而方滿則 仙 為之頌魏文又造二歌器一為二仙人共持 中書侍郎加安東将軍大統四年宣光清微殿初成 上 盤鉢盖上有山山有香氣一仙人又持金瓶以臨 謂之水芝歌器二盤各處一林鉢圓而林方其中 上以水注荷則出於蓮而盈乎器以見鳳蟾蜍以 傾水灌山則出於瓶而注乎器烟氣通發山中謂 人敬器一為二荷同處一盤相去盈尺中有運下 e 1 卷一百五 بد 鉢 同 飾

大三日日 八子う 雖 怪與盧辯檀為等參定之自以流離世故不聽音樂 幽室獨處當有戚容後坐事賜死子舒嗣官至禮部 大夫儀同大将軍聘陳使副 則傾怪各為頌皆為時所稱大統初儀制多闕文帝 通志 F

	金分四月全重
	卷一百五十七